

濟源縣志卷十六

藝文四詩

漢

紫芝歌

四皓

莫莫高山深谷逶迤奕奕紫芝可以療饑唐虞世遠  
吾將安歸駟馬高蓋其憂將大富貴之留人不如貧  
賤而肆志

唐

明皇早登太行山中言志

清蹕度河陽凝笳上太行火龍明鳥道鐵騎繞羊腸

白霧埋陰壑丹霞助曉光澗泉含宿凍山水帶餘霜  
野老茅為屋樵人薜作裳宣風問耆艾敦俗勸耕桑  
涼德慙先哲徽猷慕昔皇不因今展義何以冒垂堂  
奉和聖製太行山中言志應制

張說

六龍鳴玉鑾九折步雲端河絡南浮近山經北上難  
羽儀映松雪戈甲帶春寒百谷晨笳動千巖曉仗攢  
皇心感韶節敷藻念人安既立省方館復建禮神壇  
扈蹕忝天老承榮忝夏官長勤百年意思見一勝殘

前題

蘇頌

北山東入海馳道上連天順動三光注登臨萬象懸

俛觀河內邑平指洛陽川  
按蹕洩關險張旗亘井泉  
曉巖中警柝春事下蒐田  
德重周王問歌輕漢后傳  
宸遊鋪令典睿思起芳年  
願以封書奏迴鑾禪肅然

前題

張嘉貞

明發扈山巔飛龍高在天  
山南平對鞏山北遠通燕  
瞻彼岡巒峻憑茲士馬妍  
丸塹行若砥萬谷輾如川  
羅網開三面閭閻問百年  
澤將春雪比文共曉星連  
後后逢今聖登台謝曩賢  
唯餘事君節不讓古人先

前題

張九齡

孟月攝提貞乘時我后征  
晨嚴九折度暮戒六軍行

日御馳中道風師卷太清  
戈鋌林表出組練雪間明  
動植希皇豫高深奉睿情  
陪遊七聖列望幸百神迎  
氣色烟猶喜思光草尚榮  
之果稱萬歲今此復同聲

前題

苗晉卿

金吾戒道清羽騎動天聲  
砥路方南絕重巖始北征  
關樓前望遠河邑下觀平  
喜氣迴與洽祥風入旆輕  
祝堯三老至會禹百神迎  
月令農光急春蒐禮後行  
仍親后土祭更理晉陽兵  
不似勞車輒空留八駿名  
王屋山第之側雜構小亭  
暇日與群公同遊

李喬

桂亭依絕巘，蘭榭俯回溪。  
綺棟魚鱗出，雕甍鳳羽棲。  
引泉聊漲沼，鑿壑且通蹊。  
席上山花落，簾前野樹低。  
弋林開曙景，釣渚發晴霓。  
狎水驚梁雁，臨風聽楚鷄。  
復看題柳葉，彌喜蔭桐圭。

答宋之問

司馬承貞

時既暮兮節欲春，山林寂兮懷幽人。  
登竒峰兮望白雲，帳綿邈兮象欲紛。  
白雲悠悠去不返，寒風颼颼吹日晚。  
不見其人誰與言，歸坐彈琴恐逾遠。

行次田家溟梁作

儲光羲

田家俯長道，邀我避炎氛。  
當暑日方晝，方天無片雲。

桑間禾黍氣柳下牛羊羣野雀棲空屋晨風不復聞  
前登淚梁坂極望溫泉分逆旅方三舍西山猶未曛

玉真公主山居

山北天泉苑山西鳳女家不言沁園好獨隱武陵花  
玉真公主山居

王維

碧落烟嵐外瑤臺道路賒如何連帝苑別自有仙家  
此地回鑿駕緣谿轉翠華洞中開日月憲裏發雲霞  
庭養冲天鶴溪流上漢槎種田生白玉泥竈化丹砂  
谷靜泉逾響山深日易斜御羹和石髓香飯進胡麻  
六道今無外長生詎有涯還瞻九霄上來往五雲車

送張道士歸王屋

先生何處去王屋訪茅君別婦留丹訣驅鷄入白雲  
人間苦難住天上復離羣當作遼城鶴仙歌使爾聞  
南池夜宿憶王屋青蘿舊齋

岑參

池上卧煩暑不櫛復不巾有時清風來自謂羲皇人  
天晴雲歸盡雨洗月色新公事常不閑道書日生塵  
早年家王屋五別青蘿春安得還舊山東谿垂釣綸  
宿東谿王屋李隱者

山居不鑿井百家同一泉晚來南村黑雨色和人烟  
霜畦吐寒菜沙雁噪河田隱者不可見天壇飛鳥邊

濟水縣志 卷一  
送胡象落第歸王屋別業

看君尚年少不第莫悽然可即疲獻賦山卸歸種田  
野花迎短褐河柳拂長鞭置酒聊相送青門一醉眠  
與諸公遊濟瀆泛舟

李頎

濟水出王屋其源來不窮狀泉數眼沸平地流清通  
皇帝崇祀典詔書視三公分官禱靈廟奠璧沉河宮  
神應每如答松篁氣慈龍蒼螭送飛雨赤鯉噴回風  
酌酒布瑤席吹簫下玉童元冥掌陰事祝史告年豐  
百谷趨潭底三光懸鏡中淺深露沙石蘋藻生虛空  
晚景臨流美亭臯輕靄紅青山傍舟楫白鷺驚絲桐



我本家潁北出門見維嵩焉知崧峰外又有天壇東  
左手正接羅浩歌眇青穹夷猶傲清吏偃仰狎漁翁  
對此川上閑非君與誰同霜凝遠村渚月爭蒹葭叢  
茲境信難遇為歡殊未終淹留悵言別煙嶼夕微濛

送王屋山人魏萬還王屋

李白

見王屋山魏萬云自嵩歷兗遊梁入吳計程三千  
里相訪不遇因下江東尋諸名山往復百越後于  
廣陵一面遂乘興共過金陵美此公愛竒好古獨  
往物表因述其行李遂有此贈

仙人東方生浩蕩弄雲海沛然乘天遊獨徃失所在

魏侯繼大名本家聊攝城卷舒入元化跡與古賢并  
十三弄文史揮筆如振綺辦折田巴生心齊魯連子  
西涉清洛源頗驚人世喧採秀卧王屋因窺洞天門  
竭來遊嵩峯羽客何雙雙朝攜月光子暮宿玉女窗  
鬼谷上窈窕龍潭下奔澗東浮汴河水訪我三千里  
逸興滿吳雲飄飄浙江汜揮手杭越間樟亭望潮還  
壽捲海門石雪橫天際山白馬走素車雷奔駭心顏  
遙聞會稽美且度耶溪水萬輕輿千巖崢嶸鏡湖裏  
秀色不可名清輝滿江城人遊月邊去舟在空中行  
此中久延佇入剡尋王許笑讀曹娥碑沉吟黃絹語

天台連四明日入向國清五峰轉月色百里行松聲  
靈溪恣沿越華頂殊超忽石梁橫青天側足履半月  
蒼然思永嘉不憚海路賒掛席歷海嶠迴瞻赤城霞  
赤城漸微沒孤嶼前曉兀水續萬古流亭空千霜月  
縉雲川谷難石門最可觀瀑布掛北斗莫窮此水端  
噴壁洒素雪空濛生晝寒却思惡溪去寧懼惡溪惡  
咆哮七十灘水石相噴薄路創李北海巖開謝康樂  
松風和猿聲搜索連洞壑徑出梅花橋雙溪納歸潮  
落帆金華岸赤松若可招沈約八詠樓城西孤峯堯  
峯堯四荒外曠望群川會雲卷天地開波連浙西大

亂流新安口北指嚴光瀨釣臺碧雲中邈與蒼梧對  
稍稍來吳都徘徊上姑蘇煙綿橫九嶷漭蕩見五湖  
目擊心更遠悲歌但長吁迴橈楚江濱揮策楊子津  
自着日本裘昂藏出風塵五月造我語知非僿疑人  
相逢樂無限水石日在眼徒干五諸侯不致百金產  
吾友楊子雲絃歌播清芬雖為江寧宰好與山公群  
乘興但一行且知我愛君君來幾何時仙臺應有期  
東臆綠玉樹定長三五枝至今天壇人當笑爾歸遲  
我苦惜遠別茫然使心悲黃河若不斷白首長相思

寄王屋山人孟大融

我昔東海上勞山飡紫霞親見安期公食棗大如瓜  
中年謁漢主不愜還歸家朱顏謝春暉白髮見生涯  
所期就金液飛步登雲車願隨夫子天壇上閑與仙  
人掃落花

玉真仙人詞

玉真之仙以時往太華峯清晨鳴天鼓颺欵騰雙龍  
弄電不輟手行雲本無蹤幾時入少室王母應相逢

昔遊

杜甫

昔謁華蓋君綠袍崑玉脚人棺已上天白日亦寂寞  
暮升艮岑頂巾几猶未却弟子四五人入來淚俱落

余時遊名山發輒在遠窅良覲違夙願含凄向寥廓  
林昏罷幽磬竟夜伏石閣王喬下天壇微月映皓鶴  
晨溪向虛駛歸徑行已昨豈辭青鞋胝悵望金七藥  
東蒙赴舊隱尚憶同志樂伏事董先生于今獨蕭索  
胡為客關塞道意久衰薄妻子亦何人丹砂負前諾  
雖悲髮鬢變未憂筋力弱杖藜望清秋有興入廬霍

憶昔行

憶昔北尋小有洞洪河怒濤過輕舸辛勤不見華蓋  
君艮岑青輝慘么麼千崖無人萬壑靜三步回頭五  
步坐秋山眼冷魂未歸仙賞心違淚交墮弟子誰依

白茅室廬老獨啟青銅鎖巾拂香餘搗藥塵階除灰  
死燒丹火元圃滄洲莽空濶金節羽衣飄婀娜落日  
初霞閃餘映倏忽東西無不可松風澗水聲合時青  
兕黃熊啼向我徒然咨嗟撫遺跡至今夢想仍猶左  
秘訣隱文湏內教晚歲何功使願果更訪衡陽董鍊  
師南遊早鼓瀟湘柁

題玉真觀

韓翃

白雲斜日映春松玉宇瑤壇知幾重把酒題詩人散  
後華陽洞裏有疎鐘

題玉真觀公主山池院

司空曙

香殿留遺影，春朝玉戶開。  
羽衣重素几，珠網儼輕埃。  
石自蓬山得，泉經大液來。  
柳絲遮綠浪，花粉落青苔。  
鏡掩鸞空在，霞銷鳳不廻。  
惟餘古桃樹，傳是上仙栽。

送王鍊師赴王屋洞

權德輿

稔歲在芝田，歸程入洞天。  
白雲辭上國，青鳥會群仙。  
自以棋消日，寧資藥駐年。  
相看話離別，風馭忽泠然。

過玉真公主影殿

盧綸

夕照臨窻起，暗塵青松繞殿。  
不知春君看白髮，誦經者半是宮中歌舞人。

登天壇夜見海日

李益



朝浮碧峯三十六夜上天壇月邊宿仙人攜我奉玉  
英壇上夜半東方明仙鐘撞徹迎海日海中離離三  
山出霞梯赤城遙可分霓旌絳節依彤雲八鸞五鳳  
紛在御王母欲上朝元君群仙指此為我說幾見塵  
飛滄海竭竦身別我期丹宮空山處處遺清風九州  
下視杳未但一半浮生皆夢中始知武皇求不死去  
逐瀛州羨門子

客有為予話天壇遇雨之狀因以賦之

劉禹錫

清晨登天壇半路逢陰晦疾行穿雨過却立視雲背

白日照其上風雷走于內  
澗養雪海翻槎枒玉山碎  
蛟龍露鬚鬣神鬼含變態  
萬狀互生滅百音以繁會  
俯觀群動靜始覺天宇大  
山頂自晶明人間已瘴霏  
豁然重昏斂渙若春冰潰  
反照入松門瀑流飛縞帶  
遙光汎物色餘韻吟天籟  
洞府撞仙鐘村墟起夕靄  
却見山下侶已如迷世代  
問我何處來我來雲雨外

送家兄歸王屋山隱居

陽洛天壇上依稀似玉京  
夜分先見日月靜遠聞笙  
雲路將鷄犬丹臺有姓名  
古來成道者兄弟一同行  
春來山事好歸去亦逍遙  
水淨苔莎色露香芝朮苗

登臺吸瑞景飛步翼神飈願薦堦筮曲相將學玉簫

天壇上境答馬少府

元稹

夜宿天壇石幢側得盤屋馬逢少府書知予遠上天壇因以長句見贈篇末仍云靈溪試為訪金丹因于壇上還贈

野人性僻窮深僻芸署官閒不似官萬里洞中朝玉帝上有洞九光霞外宿天壇洪漣浩渺東溟曙白日周萬里

低回上境寒因為南昌檢仙籍馬君家世奉還丹

遊枋口懸泉偶題石上

時為河南尹

白居易

濟源山水好老尹知之久常日聽人言今秋入吾手

孔山刀劍立沁水龍蛇走危磴上懸泉澄灣轉枋口  
虛明見深底淨綠無纖垢仙棹浪悠揚塵纓風抖擻  
岩寒松柏短石古莓苔厚錦座疊高低翠屏張左右  
雖無安石妓不乏文舉酒談笑逐身來管絃隨事有  
時逢杖錫客或值垂綸叟相與淡忘歸自辰將及酉  
公門欲返駕溪路猶回首早晚重來遊心期罷官後

題濟水

盈科不數尺岸柳難通舟胡為來自古列瀆宗諸侯  
茲水異乎衆顧我知所由至清遠外濁有本其何脩  
朝宗未到海千里不能休一道截中貫肯隨濁河流

山川自改色湛湛澄霜秋豈徒宅神物亦足容鰕鯨  
我思古之人潔志為身謀衣冠坐塗炭惡惡心憂幽  
不但聽漁父揚波自貽羞自今稱一字高潔與誰求  
惟獨是清濟萬古同悠悠

早冬遊王屋寄溫谷周尊師中書李相公

霜降山水清王屋十月時石泉碧漾漾巖樹紅離離  
朝為靈都遊暮有陽臺期飄然世塵外鸞鶴如可追  
忽念公程盡復慙身力衰天壇在天半欲上心遲遲  
嘗聞此遊者隱客與損之各抱貴仙骨俱非泥垢姿  
二人相顧言彼此稱男兒若不為松喬即須作臯夔

今果如其語光彩雙歲裝一人佩金印一人翳玉芝  
我來高其事詠嘆偶成詩為君題石上欲使故山知  
過溫尚書舊莊

白石青泉拋濟口碧幢紅旆照河陽村人都不知時  
事猶自呼為處士莊

天壇峯下贈杜錄事

年顏氣力漸衰殘王屋中峯欲上難頂上將探小有  
洞喉中須燕大還丹河車九轉宜精鍊火候三年在  
好看他日藥成分一粒與君先去掃天壇

題崔常侍濟源莊

谷口誰家住雲扃鎖竹泉主人何處去蘿薜換貂蟬  
籍在金閨內班排王展前誠知憶山水歸得是何年  
盧郎中雲夫寄示送盤谷子詩兩章歌以和之

韓愈

昔尋李愿向盤谷正見高崖巨壁爭開張是時新晴  
天井溢誰把長劔倚太行衝風吹破落天外飛兩白  
日洒洛陽東蹈燕川食曠野有饋木蕨茅滿筐馬頭  
溪深不可厲借車載過水入箱平沙綠浪榜枋口鴈  
鴨飛起穿垂楊窮探極覽頗恣橫物外日月本不忙  
歸來辛苦欲誰為坐令再往之計墮渺茫閉門長安

三日雪推書撲筆歌慨慷旁無壯士遣屬和遠憶盧  
老詩顛狂開緘忽覩送歸作字向紙上皆軒昂又知  
李侯竟不顧方冬獨入崔嵬藏我今進退幾時決十  
年蠢蠢隨朝行蒙請官供不報答何異雀鼠偷太倉  
行抽手板付丞相不待彈劾還耕桑

題西白澗

太行之下清且淺一水盤桓紆山轉千峯萬壑不可  
數異草幽花幾曾見波中白石隱出明風翻不動浮  
雲輕翠巒玉女下雙鶴笑倚秋練開新晴又疑武陵  
溪上原桃花溪盡空潺湲幽泉間復逗崑側噴珠漱



王相交喧群猿見之走絕壁緣峯虛睇弗勞力鳴禽  
面面背人飛為是從來不相識杖藜因貪仰面看碍  
石牽蘿錯移屐踏窮曲屈疑欲回迤邐屏開一重碧  
殘樽遇坐酒卽傾旋摘山果都無名題詩且欲盡佳  
句觸歌翻詠仙難成天門幽深十里西無奈落日催  
人歸誰能可屬天宮事為我乞取湏臾期上天無梯  
日不顧牢落歸來壇木暮閉門下馬一衾寒夢想魂  
馳在何處

寄盧仝

玉川先生洛城裏破屋數間而已矣一女長鬚不裹

頭一婢赤脚老無齒辛勤奉養十餘人上有慈記下  
妻子先生結髮憎俗徒閉門不出動一紀至今隣僧  
乞米送僕忝縣尹能不恥俸錢供給公私餘時致薄  
少助祭祀勸叅畱守謁大尹言語纔及輒掩耳水北  
山人得名聲去年去作幕下士水南山人又繼往鞍  
馬僕從塞間里少室山人索價高兩以諫官徵不起  
彼皆刺口論世事有力未免遭驅使先生事業不可  
量惟用法律自繩已春秋三傳束高閣獨抱遺經究  
終始往年弄筆嘲同異怪辭驚衆謗不已近來自說  
尋坦途猶上虛空跨綠駟去歲生兒名添丁意令與

國充耘耔國家丁口連四海豈無農夫親耒耜先生  
抱才終大用宰相未許終不仕假如不在陳力列立  
言垂範亦足恃苗裔當蒙十世宥豈謂貽厥無基陟  
故知忠孝生天性潔身亂倫安足擬昨晚長鬚來下  
狀隔牆惡少惡難似每騎屋山下窺闕渾舍驚怕走  
折趾憑依婚媾欺官吏不信令行能禁止先生受屈  
未曾語忽此來告良有以嗟我身為赤縣令操權不  
用欲何俟立召賊曹呼伍伯盡取鼠輩尸諸市先生  
又遣長鬚來如此處置非所喜况又時當長養節都  
邑未可猛政理先生固是余所畏度量不敢窺涯涘

放縱是誰之過歟效尤戮僕愧前史買羊沽酒謝不  
敏偶逢明月曜桃李先生有意許降臨更遣長鬚致  
雙鯉

芒雪寄韓退之

盧仝

天王二月行時令白銀作雪漫天涯山人門前偏受  
賜平地一尺白玉沙雲頽月壞桂英下鶴毛風剪亂  
參差山人屋中凍欲死干樹萬樹飛春花菜頭出土  
膠入地山莊取粟埋却車冷絮刀生削峭骨冷齧斧  
破慰老牙病妻烟眼淚滴滴饑嬰哭乳聲嗷嗷市頭  
博米不用物酒店買酒不肯賒聞道西風弄劍戟長

街殺人如亂麻。天眼高開欺草芽。我死未肯興嘆嗟。  
但恨口中無酒氣。劉伶見我相揄挪。清風攪腸筋力  
絕。白灰塞屋梁柱斜。柴門沒徑晝不掃。黃昏遶樹棲  
寒鴉。唯有河南韓縣令。時時醉飽過貧家。

走筆謝孟諫議寄新茶

日高丈五睡正濃。軍將叩門驚周公。口云諫議送書  
信。白絹斜封三道印。開緘宛見諫議面。手閱月團三  
百片。聞道新年入山裏。蟄蟲驚動春風起。天子未嘗  
陽羨茶。百草不敢先開華。仁風暗結珠璣瑤。先春抽  
出黃金芽。摘鮮焙芳旋封裹。至精至好且不奢。至尊

之餘合王公何事便到山人家柴門反閉無俗客紗  
帽籠頭自煎喫碧雲引風吹不斷白花浮光疑椀面  
一椀喉吻潤二椀破孤悶三椀搜枯腸惟有文字五  
千卷四椀發輕汗平生不平事盡向毛孔散五椀肌  
骨清六椀通仙靈七椀喫不得唯覺兩腋習習清風  
生蓬萊山在何處玉川子乘此清風欲歸去山上群  
仙司下土地位清高隔風雨安得知百萬億蒼生命  
墮在巔崖受辛苦便為諫議問蒼生到頭還得蘇息  
否

將歸山招冰僧

買得一片田濟源花洞前千里石壁坼一條流沁泉  
青松盤樛枝森森上插青冥天枝上有哀猿宿處近  
鶴巢清唳孤吟聲相交月輪下射空洞響絲篁成韻  
風蕭蕭我心塵外心愛此塵外物欲結塵外交苦無  
塵外骨必泉有冰公心靜見真佛可結塵外交占此  
松與月

哭玉碑子

小有洞左頰拾得玉碑子其長一周尺其闊一藥匕  
顏色九秋天稜角四面起輕敲吐寒流清悲動神鬼  
稽首置手中只似一片水至文反無文上帝應有以

予疑仙石靈願以仙人比心期香湯洗歸送籙堂裏  
頗奈窮相驢行動如跛驚十里五里行百蹶後千蹶  
顏子不少天玉碑中路折橫文尋龜兆直理任瓦裂  
劈竹不可合破環永離別向人如有情似痛滴無血  
勘闢平地上罅坼多齧缺百見百傷心不堪再提挈  
怪哉堅貞姿忽脆不堅固矧曰人間人安能保常度  
敢問生物成敗為有直素為稟靈異氣不得受穢污  
驢罪真不原盧生亦錯悞更將前前行復恐山神怒  
白雲蒼閉嶺高松吟古墓置此忍其傷驅驢下山路

一作

去





火不許閑人入看花

濟源春

孟郊

太行橫偃脊百里芳崔巍濟濱花異顏枋口雲如裁  
新畫彩色濕上界光影來深紅縷草木淺碧荇沂泗  
千家門前飲一道傳楔杯玉鱗吞金鉤仙璇琉璃開  
朴童茂言語善俗無驚猜狂吹寢怕晏曉清夢先回  
治生鮮惰夫積學多深材再遊詎癩癩一洗驚塵埃

遊枋口

一步復一步出行千里幽為取山水意故作寂寞遊  
太行青嶺高枋口碧照浮明月無底鏡泛泛忘機鷗

老逸不自限病狂不可周恣閒饒淡薄怠玩多淹留  
芳物競晬晚綠稍挂新柔和友罵相遠言語亦以稠  
始知萬類然靜躁難相求

與王員外涯遊枋口柞溪

萬株古柳根擎此磷磷溪野榜多屈曲仙澗無端倪  
春桃散紅烟寒竹含晚淒曉聽忽以異芳樹安能齊  
共疑綠鏡中坐汎紅景低水意酒易醒浪情事非迷  
小儒峭章句大賢嘉提攜潛竇韻靈瑟翠崖鳴玉珪  
主人稷禹翁德茂芝木畦鑿出幽隱端氣象皆昇躋  
曾是情樂抱速茲幾省溪宴位席蘭草濫觴驚鳧鷖

靈味薦魴辨金花屑橙齏江調擺衰俗洛風遠塵泥  
徒言奏狂狷詎敢忘筌蹄

寄許鍊師

戎昱

掃石焚香禮碧空露華偏濕藥珠宮如何說得天壇  
上萬里無雲月正中

遊盤谷

杜牧

覺巖太行高其下有幽谷環繞兩峯間盤回廓山腹  
甘泉注肥疇茂草映脩木勢阻絕諠譁巖深易潛伏  
昔人有李愿築地一居獨白鳥依蘆塘菰花映茅屋  
心怡適所安憂大反忘欲掉頭不肯應謂我此樂足

友人韓昌黎文章驚世俗長言貴生毛落落燦珠玉  
好事買名石鐫文寄崖隩已經三十年磨滅僅可讀  
我來不復見命吏廣追逐訪知石氏遇猶畏長官督  
不愛石上字秋風一砧覆易之以千金復使置巖麓  
從此生光輝萬古從瞻矚

送盧霈秀才歸王屋時將赴舉

野店正分泊繭蠶初引繇行人碧溪渡繫馬綠楊枝  
冉冉跡始去悠悠心所期秋山念君別惆悵桂花時

宿天壇

馬戴

星斗半沉蒼翠色紅霞遠照海濤分折松曉拂天壇

雪投簡寒窺玉洞雲絕頂醮迴人不見深林磬度鳥  
應聞未知誰與傳金籙獨向仙祠拜老君

宿陽臺觀

玉洞仙何在爐香客自焚醮壇圍古木石磬響寒雲  
曙月孤霞映懸流峭壁分心知人世隔坐與鶴為群  
書留延慶化成寺壁

裴休

平生志在野雲深建立精藍大用心須遠買園克聖  
地祇陀施樹不收金鳴鐘自息三途苦閣上常聽萬  
籟音為報往來遊翫者園林常住莫相侵

玉真觀

李群玉

高情帝女慕乘鸞紺髮初簪玉葉冠秋月無雲生碧  
落素藻含露出青瀾層城烟霧將歸遠浮世塵埃久  
住難一自簫聲飛去後洞宮深掩碧瑤壇

秋夜月中登天壇

姚合

秋蟬流異彩齋潔上壇行天近星辰大山深世界清  
仙飈石上起海日夜中明何計長來此閑眠過一生

題天壇

壁立三千仞壇高接尾箕頂藏青玉髓腰隱紫金芝  
月掛虛皇殿雲封太乙池洞天人跡少鶴宿萬年枝

河中陪節度遊河亭

溫庭筠

倚闌愁立獨徘徊欲賦慙非宋玉才滿座山光搖劔  
戟繞城波色動樓臺鳥飛天外斜陽盡人過橋邊倒  
影來添得五湖多少恨柳花飄蕩似寒梅

飛卿詩舊志所錄甚多今刪去此篇通志以為萬  
柳亭詩裁入濟邑古蹟亦誤

中書令裴公挽歌詞二首

王儉風華首蕭何社稷臣丹陽布衣客蓮渚白頭人  
銘勒燕山暮碑沉漢水春從今虛醉飽無復污車茵  
箭下妖星落風前殺氣迴國香荀令去樓月庾公來  
玉璽終無慮金滕竟不開空嗟薦賢路芳草滿燕臺



裴公挽詞郡志錄第二首

河清與趙氏昆季讌集得擬杜工部

李商隱

勝槩殊江右佳名逼渭川虹收青嶂雨鳥沒夕陽天  
客鬢行如此滄波坐渺然此中真得地漂蕩釣魚船

宿天壇觀

劉滄

沐髮清齋宿洞宮桂花松韻滿巖風紫霞曉色秋山  
霽碧落寒光夜月空華表鶴聲天外迥蓬萊仙界海  
門通冥心一悟虛無理寂寞元珠象網中

玉川偶興

胡曾

玉川鶴避盧仝啜盤谷猿驚李愿歸興盡携筇一回  
首西風拂拂白雲飛

遊枋口

鄭 轅

吾與崔君全素薛生晏同遊枋口山水訪得泉原  
名之曰蒙泉遇壁多薜荔品之曰薜荔壁有石筍  
拂雲呼為石筍高賦三韻以旌其名

丹洞吐細泉宛轉蒼苔裏凝碧時含光流洩復如此  
誰知山下泉來洗幽人耳

蒙泉

薜荔生空山幽姿媚苔壁根封石燕泥花似乳竇滴  
靈均沒已久榮落誰人惜

薜荔壁

竦幹青山下，卓立白雲際。濯似春筠莖，竒如夏峯勢。  
賞者空往來，亭亭幾千里。石筍高

鄭轅以下三人舊志列於明時，今改正全唐詩旁。  
搜博採有鄭轅餘失考。

同賦

崔全素

溪轉聞鳴泉，林踈渲蒼蘚。漱潔來潺湲，凝光散清淺。  
未知適所從，空山漫流行。蒙泉

芳姿抱青鬱，根蔓殊衆品。水淨隱簾珠，雲開露屏錦。  
漚漚巖風來，幽香曳清凜。蘇荔壁

石筍生隙隙，屹立青冥直。根橫曉浪痕，籜卷春雲色。

稜稜長鈞鋒應使山魃場石筍高

同賦

薛晏

噴蘚出深竇欣然傍歌壁清漱踈林澄光淨寒石白

一勞意渴甚挽翫此水碧蒙泉

誰種薜荔花盤根上幽石玲瓏珠綴曉香靄岑嵐夕

却誤貪寢人遺衣掛苔壁薜荔壁

峭筍倚谿壩雄標屹霞境雲披看卷籜波靜見垂影

頓翼已栖林殘陽方在頂石筍高

裴公亭

無名氏

裴相亭成未退身空煩舞袖與歌塵至今亭下蕭蕭

竹似對西風怨主人

宋

真宗賜陳堯叟謝病歸濟源

文苑垂清譽朝端仰盛才  
嘉猷毗萬路竒遇列三台  
勤職興居爽辭榮奏疏來  
疇咨登百揆異數冠中臺  
巨屏揚旌去名藩晝錦回  
君臣相厚意瞻望兩徘徊

賡上韻

陳堯叟

寅會丁昌運訃謨愧瑣才  
微功酬帝造邁紀處公台  
辭位囊封上逾涯寵數來  
藩維分聖寄涕泗遠丹臺  
旌仰宸章降隆彌睿眷  
回載賡誠寡和望闕幾徘徊

濟源縣志 卷十六  
贈賀蘭真人

陳堯咨

偶分天命過仙家  
松竹森森一徑斜  
此境豈教塵俗  
愛主人高論盡南華

贈賀蘭棲真

張齊賢

日耕雲耨雜芝田  
洞府遊多隱奉仙  
聳秀萬尋連翠嶠  
澄明一派接靈泉  
鳳書昔降幽居側  
鶴駕曾朝瑞日邊  
四海高名誰可並  
赤松黃石好齊肩

留題延慶寺

范坦

盟津濟源近輔屬  
邑山水之秀最為勝  
異邑西數里有延慶精舍  
古殿山半虛閣潭上奇景幽致又

加勝焉故潁川密相以昔先中令曾製錦是邑與  
叅預二卿及天雄故師俱肄業於寺天禧中密相  
謝病乞理此邦真廟美其若畫錦而歸御製贈行  
詩傳在屋壁暨昆季題紀咸列於右予屢得遊覽  
因成七言四韻詩離為二首留題是寺以誌其美  
煙村水寺若江湖林麓山川入畫圖壁上薰風為誰  
製柄臣曾此耀歸途

寺閣涵虛跨碧潭菰蒲楓柳認江南侍臣家世俱遊  
此鴈序題名在壁龕

三城侍郎寄示留題延慶寺二韻詩二章頃歲予

建業於此遺景盡在幸會之迹首唱之序詳矣  
謹依命攀和但於首章增為四韻蓋淺陋之才  
不覺辭費因遣稚子贊善大夫通判邠州事學  
古寫於此牌以永嘉賜

陳堯佐

清濟園林接寺隅水昏煙暝自成圖當年棣鄂三冬  
學今日鶴原萬里途道契風雲多感激人非豐沛欠  
訐謨聞君又在行春騎應笑溪邊舊截蒲

螢總從此極研覃墜簡疑文訪濟南擬卜菟裘隣學

所龍香時藝御書龕

兄長相公出牧三城真宗皇帝賜御詩龕行龕寫寺壁

求田濟上

寇準



少年意氣吐虹霓  
老去羈栖似病鷄  
破袖漫藏脩月斧  
青雲誰置上天梯  
去留不定情空惡  
窮達相懸理莫齊  
問舍求田是良計  
願隨童僕把鋤犁

題濟瀆

文彥博

導沈靈源祀典尊  
湛然凝碧浸雲根  
遠朝滄海殊無碍  
橫貫黃河自不渾  
一派平流滋稼穡  
四時精享薦蘋蘩  
未嘗輕作波濤險  
惟有霑濡及物恩

題淇水

潺湲北山水繚繞  
南城臯晴灘錦石  
亂擊觸春滿高  
誰謂淇梁大不能  
容舫舫臨流自縮  
手揭厲應徒勞

裴休洞

講著終年戶不開庭無人跡少塵埃山寒月射千峰  
翠正見白雲歸洞來

拔劍泉

拔劍隆平近北垓一溪獨湧勝群涓仍思昔日天工  
巧演出雄源灌玉川

月泉

繁花低蔭泉聲澗綠竹瑤池映碧瀾蒼木翠松遮宿  
鶴一輪秋月落林間

雙泉

長劍並彈霜氣豪  
白虹半拆秋雲高  
濯纓洗耳更何處  
勢利回看輕鴻毛

過燕川渡

早過燕川渡  
千峰插太虛  
雲間微見日  
水淺不侵湖  
風急樵歌響  
霜嚴木葉疎  
緣溪東北去  
岩後有精廬

遊枋口

石壁張哈呀  
沁水吐其側  
平沙綠水旋  
千里不渾色  
木秀如鍾山  
魚肥似春麥  
不見持竿人  
鳴蛙長澹澹

再遊枋口

下馬入枋口  
漾舟緣碧溪  
雪消山骨瘦  
風定浪頭低

數里復登岸群賢同杖藜徘徊巖石畔尋覓退之題

題玉真觀

劉釗

再到靈都訪舊遊青山依舊白雲秋燒丹帝子名猶  
在憇鶴仙人迹尚留萬軸元科瑤笈重滿庭涼露木  
犀稠千年物外棲真地肯許風煙占一邱

延慶寺

王巖叟

大名  
人

龍影幽潭寺已空惟餘翠竹雜青松路窮西北無他  
景只有青山一萬重

草堂讀書

傅堯俞

吾屋雖喧卑頗不甚燕穢置席屋中間坐卧群書內

橫風吹急雨入屋洒我背展卷殊未知心與昔人會  
有客自外來笑我若癡昧且問何為爾我初尚不對  
強我不得已起答客亦退聊復得此心沾濕安足悔  
寄題傅欽之濟源別業  
司馬光

縣郭遙相望脩篁百畝餘林間清濟水門外太行車  
道勝隨宜足身閑與世疎何時容命駕采蕨釣肥魚  
寄題李少卿章園亭

縣僻人事少土肥風物殊杖刊靈壽木輪裹溟梁蒲  
竹不減淇水花仍似洛都主公眉雪白遊覽未嘗扶

題傅欽之草堂

蘇軾

微官共有田園興老罷方尋退隱廬栽種成陰十年  
事倉皇求買萬金無先生卜築臨清濟喬木而今似  
畫圖隣里亦知偏愛竹春來相與護龍雛

誅茅卜築十年心碧草幽堂曲徑深平地明珠流曉  
色一林寒玉鎖秋陰稔知好景無時有盡把新詩對  
此吟却憶杜陵江上嘆浣花憔悴不如今

重陽登靈山

俯窺盤谷接天壇平地危峯豈易攀鰲足斷來移海  
外天星落處化人間世塵汨沒誰常到樽酒登臨我  
倦還歲歲邦民重九會孟嘉休獨羨龍山

題草堂

黃庭堅

公家濟源上太行正當門脩竹帶藩籬百鳥鳴朝暉  
仰視浮雲作俯窺流水奔相望有盤谷李愿故居存  
天壇靈壽杖送莘老

王屋千霜老紫藤扶公休沐對親朋異時駟馬安車  
去拄到天壇願力能

題濟瀆

王公孺

竹樹蕭森百畝宮靈源中與海相通典儀望秩千年  
後香火祈禳百郡同洞府有靈深莫測溪山環秀画  
難工眼中碑誌題評盡疏淪何曾說禹功

濟源縣志 卷十六  
題蕭俛舊墅

節槩孤高去位輕，舊山深處一居成。  
雲移坐石蒸衣潤，泉激眠窻入夢清。  
放曠何能尤選吏，優游不復議銷兵。  
如今寺落空潭在，漠漠春烟暮草生。

陳侍中菴

李晏

古樹蒼茫一逕幽，菴前紅芰不驚秋。  
塵容因被脩筠笑，何事匆匆不少留。

龍潭寺

趙宗傑

欲覓龍潭何處是，青山影裏見浮圖。  
紅蕖映日真花藏，碧水涵天瑩玉壺。  
已放源流通北海，未饒風物說



西湖侍中菴外多閑地容我他年卜築無

宿延慶院

錢 昆

水繞門牆竹繞堂滿窻春綠更山光坐來苔蘚侵衣  
潤吟處松花落硯香汀鷺雙雙翻亂石溪風裊裊弄  
脩篁遊人暫得幽閒趣時帶茶烟下上方

遊錢岸

晴虹烟綠襯虛亭公退因來得野情落日東風懶歸  
去擬將薄祿換溪聲

上太行

徐 鉉

茫茫遠樹隔烟霏獵獵西風振客衣山雨未晴嵐氣

濟水集卷十一  
濕溪流欲盡水聲微回車廟古丹青老碗子城荒草  
木稀珍重狄公千載意馬頭重見白雲飛

路繞羊腸躡屐躋萬山金碧總堪題舉頭日月中天  
近極目乾坤五嶽低自笑監車騏驎厄誰憐荆棘鳳  
凰棲欲投古寺禪房宿喜見僧歸落日西

遊枋口

姜正

山如削玉水涵秋人在冰壺月底遊劫火半空塵世  
換不知此處幾登舟

遊濟瀆

李志全

水底微茫見貝宮靈源直與海相通雪晴人立冰壺

外春暖魚遊玉鑑中  
鶴返松林巢夜月神歸蓬島駕  
天風裴公亭上行吟處  
他日重來興未窮

遊裴公亭

孫翥

太行王屋群峯上  
秦晉關河望處分  
猿鶴幾年懷舊  
隱乾坤百戰重  
儒勲龍歸洞府春  
將兩僧過浮橋曉  
度雲萬里中原無  
事日不妨尊酒細論文

風有亭臺月有池  
春深猿鶴喜追隨  
水從王屋泉初  
旺山過秦關勢欲危  
仙樂靜依林鳥奏  
浮雲輕伴海鷗遲  
斜陽不盡登臨興  
遠樹微茫入酒旗

春日遊盤谷

旌旆朝驅入翠微東風閑訪故山薇金龜換酒留僧  
住白鶴穿雲伴客歸月影坐移棲鳳竹泉聲靜繞釣  
魚磯中原那似開元日得學巢由遠是非

遊裴公亭

和韻

趙恒

昔年曾此遠風塵盤谷烟霞每見分萬里江河還壯  
觀一時冠蓋屬元勳海鷗春暖眠沙草遼鶴秋高度  
嶺雲今日重來倍惆悵草堂應是勒移文

溶溶春水碧生池上相臨觀許從隨萬姓歌呼喜遊  
豫幾人出處佩安危雨餘空谷雲歸早風滿長林鳥  
下遲笳鼓明當催曉發柳烟花露濕旌旗

賢王車騎集亭臺，雲擁旌旗四面開。  
檻外風烟隨意足，座中魚鳥傍人來。  
柳移清影侵歌席，花遞餘香入酒杯。  
多少疲癯望遊豫，不妨吟嘯重徘徊。

遊天壇三十二韻

金門羽客林靈素

擺脫塵纓淡無欲，閒閱圖經尋岳瀆。  
林泉何處愜予心，收拾琴書將卜築。  
崎嶇不敢千里辭，東至太行入王屋。  
先探藏花塢裏春，蠟桃畢竟何時熟。  
煙蘿故宅陽臺宮，九龍戲珠畫屏簇。  
丹井沉沉浸月明，了髻仙童把參斲。  
昂頭貪看花蓋峰，驀然悞入紫微谷。  
上方樓閣與雲開，金碧交暉射林麓。  
遠塵溝有遠塵人，夜

半聞歌葉芝曲策杖窮躋瘦龍嶺險似劍閣西向蜀  
捫參歷井上冲冥千仞斷崖橫獨木自晨及酉脚刀  
窮恰到紫金堂下宿再拜新嘗太乙泉頓覺洒然消  
病骨褰衣竟入南天門回首乾坤小蠻觸恍兮惚兮  
九霄間萬頃嵐光醒醉目恭叩仙壇禱真壇壇與天  
通隔塵俗銀座金腰玉頂寒帝遣仙官分部屬小有  
中藏萬里地都壓洞天三十六日精月華左右竒黛  
色倚空如削玉東觀大海日輪紅西望窮邊壇影綠  
煉丹爐下土猶香抱出神丹知幾斛巡山使者持太  
阿保護神宮誰敢躐王母洞深非可測雷霆屢震蛟

龍窟遙指三宮校，勘臺樵人幾度闌。  
綠竹抱朴岩前採藥童，手撚金芝身薜服。  
北斗坪聯北斗星，自是天關通地軸。  
薜籠藥櫃翠相連，瑞草靈苗香馥郁。  
或聞仙犬吠仙燈，或睹仙人跨仙鹿。  
竒蹤異跡難盡言，更欲題詩毛穎禿。  
短歌聊寄利名人，誰肯同來伴幽獨。  
一聲長嘯坐孤石，紫雲悠悠送黃鵠。  
箇中疑是麻姑仙，冷笑世間光景促。

題天壇

萬籟松蘿拂紫烟，丹臺秘邃集神仙。  
乾坤結秀真靈岳，日月飛光照洞天。  
塵世暗移知幾代，蟠桃初熟未

濟源縣志卷十六  
經年時人莫測幽微事五色雲封種玉田

金

遊天壇雜咏

元好問

空翠霏煙海浪深鰲頭鶴背半浮沉不知脚底山多  
少還盡平生未足心

湍聲洶洶落懸崖見說蛟龍擘石開安得天瓢一翻  
倒躡雲平下看風雷

仙壇倒影鳳舞洲一道雲光插素秋也是天宮闈不  
得海東移著海西頭

仙猫聲向洞中聞憑仗兒童一問君同向燕家紙母



鼎不隨鷄犬上青雲

道民終不忘天臺姓字依然在密崖為問松臺萬年

鶴白雲何處不歸來

近歲盧氏密崖人迹不及處有題字云道民天臺司馬承占過

松臺即白雲老墓地

擬着茅齋北斗坪殘生細讀洗心經詩成因被盧仝

笑曾見青山養伯齡

玉川詩有伯齡不厭山山不厭伯齡之句

### 遊濟源

地古靈多足勝遊高林六月似涼秋雲間雉堞橫千里水面龍宮倒十州盤谷村墟幾來往玉川人物自風流一叩一窾平生事獨看南冠是楚囚

元

題濟瀆

趙秉文

祠前繚繞無窮水竹抄差參不盡山目極水窮山盡  
處天壇猶在白雲間

樹映樓臺水映空溪容林意雨溶溶夏山如翠無人  
畫遠處微茫近處濃

遊龍潭

王伯翼

山容滲滲水茫茫馬上行人祇自傷千古龍潭潭上  
月不知幾度照興亡

濟瀆廟謝雨

姚樹

石壇飛盡赤草灰  
蝗孽冥銷澍雨來  
歸奏玉皇香案  
側天顏應為羽衣開

題天壇

邱處機

峨峨峻嶺接雲衢  
古柏參差數萬株  
瑞草不容凡眼  
見靈禽只傍道人呼  
鑿開洞府群仙降  
煉就丹砂百  
怪除福地名山何處有  
長春即是小蓬壺

四面諸山若附庸  
突然中起最高峰  
每看晴日移蒼  
影常說寒潭卧黑龍  
沆瀣要和千載藥  
茯苓先斲萬  
年松擬尋活計  
叅真趣又隔煙蘿第幾重

題天壇

吉丙

松杉鬱鬱鎖仙壇  
丈室高人盡日間  
門外晚晴春色好  
數峰青出紫雲間

竇家溪

李大方

濟貫中州截沁陽  
渡橋不用借車箱  
竹交曉影晴陰合  
泉落秋聲晝夜長  
藉口銜盃偷暫樂  
枕流卧簟取微涼  
我來適興忘歸意  
更有溪邊月滿牀

題天壇

宋德方

白石磷磷上接天  
青松鬱鬱下臨淵  
草生福地皆為藥  
人在名山總是仙  
待客遠尋岩下蕨  
烹茶滿酌洞中泉  
前身恐是白雲子  
今日重來臥翠巔

玉陽觀

國妹脩真體碧虛玉陽山下舊宮居  
花飄古砌春風後松偃空壇暮雨餘  
石室已燒丹竈火瑤池不返紫雲車  
遺碑獨有龍螭子猶是明皇御筆書

明

夏日過太行

河南 巡撫于謙錢塘人

信馬行行過太行一川野色共蒼茫  
雲蒸雨氣千峰暗樹帶溪聲五月涼  
世事無端成蝶夢畏途隨處轉羊腸  
解鞍盤礴星軺驛却上高樓望故鄉

明人之仕于河南者皆書其官職以時代為叙次

王屋道中

文清薛瑄 河津人

路轉山回處處迷不登絕頂即尋溪寒泉徹底清人  
目亂石盤空割馬蹄繞逕黃花猶戲蝶隔村紅樹乍  
聞鷄無端客思匆匆甚好景其如每倦題

遊盤谷

文肅岳正 灤縣人

早聞盤谷序昌黎今日追遊信馬蹄河出孟門知地  
險山連王屋覺天低時當春暮花爭放路入雲林鳥  
倦啼高處不堪頻北望邊城猶未息征鼙

登天壇峯

叅議史敏 淮安人

峭山行過幾千重纔到天壇第一峯九夏尚留岩畔

雪萬年不老廟前松  
珠林日煖翔丹鳳  
石洞泉寒吼黑龍  
有約更期新雨後  
短筇來數翠芙蓉

登天壇

和前韻

僉事

宋

榮

豐城人

九天上闕兩三重  
勢壓塵寰百萬峯  
一片樓臺凌絕頂  
滿空星斗掛喬松  
煙霞曉舞冲霄鶴  
雷雨時驚濟暎龍  
最是扶桑紅日上  
清光先照玉芙蓉

宿王屋山

提學副使劉

昌

吳縣人

獨柱凌空萬仞齊  
風雲長與護天梯  
春明倒影參差出  
夜靜仙燈遠近迷  
正笏喜登金闕近  
倚闌驚見玉繩低  
手探河漢分涓滴  
洗取蒼崖試一題

瑤草生香沒舊踪  
晴空時聽一聲鐘  
露連瀛海三千丈  
月滿樓臺十二重  
爐內藥成先試犬  
壇前松老半成龍  
憑誰為問燕蘿子  
夜夜歸來第幾峯

登瘦龍嶺

憲副

歐陽熙

秦和人

龍脊盤旋十八灣  
盤灣盡處見天壇  
莫言凡骨尋來易  
任有仙風到也難  
可奈疲勞支短杖  
不禁頓渴酌清澗  
誰知正遇群仙會  
繚繞風雲擁翠鸞

登天壇

孤峯壁立勢巍然  
信是琳宮第一天  
仰視可能擎日月  
俯臨纔識踏雲烟  
祥光縹緲勝丹井  
野火依稀出



石巔不必蓬壺間  
真侶此身頓覺是飛仙

削處芙蓉依碧空  
到來絕頂是仙宮  
晴光影落雙峰外  
泉脈源分四瀆中  
工畫峯巒皆退伏  
生成形勢獨穹窿  
舉頭不覺衝星斗  
聞得天香度暖風

夜宿天壇罷曉鐘  
逶迤初上最高峰  
苑真堂外尋丹井  
太乙池邊探黑龍  
五色祥雲光灼灼  
一川佳木影重重  
平生志癖耽游賞  
狂興無如此日濃

題御愛松

孟縣知縣

李

貫

河曲人

枝柯非鐵亦非銅  
不受秦皇漢武封  
怪勢撐空凌曉日  
深根拔地戰秋風  
輪囷不入樵人手  
臃腫難容匠

石攻若問榮枯他日事海田更變壽無窮

化城寺懷古

郭采

疋馬蕭蕭入化城裴公故宅十分清一泓水遶如橫  
帶萬仞山高似樹旌事業半生書鼎隳文章百代著  
聲名前身應作番夷主空使唐家贖未成

題天壇

吳大淮

雲物石室總悠然琪樹參差聳翠巔曉拂烟嵐衣盡  
濕分明別是一重天

遊天壇歌

懷慶知府徐以貞  
長山

太行之山天下脊萬里飛來自西極龍蟠鳳翥向神

洲王屋竒標冠南北吾聞三十六洞天此為第一名  
總仙小室天臺臨紫府龍漢開圖不計年久欲一遊  
今始獲况携僚友同登歷三年治水握帝符幾處導  
山探禹跡太乙靈泉豈易尋沈源更比濟源深青山  
百轉溪百曲紫微宮在白雲心日精月華分左右五  
斗群峯擁屏後軒轅堂隱紫金岩王母洞連蒼玉岫  
大頂亭亭天倚蓋上方更出層霄外前看嵩岳數點  
煙俯視黃河一衣帶天壇六月生清寒躡雲直上九  
重關山中草木皆藥物壺裡乾坤非世間陽臺清虛  
居別曲三日盤旋觀未足臨行笑謝諸羽人後約丹

河沙縣志 卷一  
邱還可卜

望西山

公館無謹白晝間西山望對興悠然幾行鷺下開青  
嶂一線雲生界碧天螺髻日昇金燭爍蛾眉雨過黛  
鮮妍鐘聲隱隱知何寺想有高僧尚自眠

北海廟

尹安

海波澄澄清徹底海殿高撐五雲起朱欄十二鎖華  
亭無數蜿蜒照清水水深如有蛟龍蟠噓風吐霧浮  
簷端歲久化作神魚現金碧蕩漾生海瀾瀾光疑接  
幽陰道黑帝將來謁黃老蹒蹒玉佩降天壇濟濟瓊

山出蓬島出蓬島天冥冥  
焄蒿悽愴驚人心左瞻青  
龍右白虎前仰力士後天丁  
神之來兮風馬鳴神之  
去兮雲輶興少靈已往世  
無人稽首為刻新宮銘

遊濟廟

劉咸

玉殿玲瓏倚碧虛開山共說  
自隋初斷碑尚記傳書  
事古壁猶存授劔圖丞相  
亭空荒蘚合將軍柏老綠  
陰疎倦來不盡登臨興活  
水源頭獨羨魚

癸亥雜詩

何塘

盤谷燕川二月寒馬頭溪水  
隔天壇黃茅踏遍幽人  
徑白石燒成道士丹風煖  
野禽朝對語月明松鶴夜

交歡採真擬結峯頭屋引嶺西南盡日看

十里雲霞鎖洞天靈踪千古尚依然老君池水深春  
雨黃帝松陰暗曉烟盤谷斷碑芳草外玉川茅屋野  
花前別來勝景應如昨歸去繁霜懼滿顛

卧病時邊君天壇步月之作

李夢陽

漢時饒烟霧秦城逼斗牛甘泉詞調絕疲病苦為酬

遊濟瀆

朱確

道沈東流萬派宗二儀初判著神功天開洞府丹霄  
近地湧靈泉碧海通鸞鶴翥巢啼夜月魚龍吹浪鼓  
秋風裴公亭上凭欄久目入前山翠幾重

天壇玉皇閣

司泉 巡撫 鄒守愚

聞道天壇古異香何處飄瓊扉邀日月鏡殿老烟霄  
倚石臨空近懸泉入海遙群仙不可見萬壽共歌堯

由陽臺入紫微境

巡撫 蔡汝楠 德青人

陽臺更高處一綫與天通駐蹕軒墀古連山砥柱雄  
漚雲松蓋上鳴雨谷聲中願與煙蘿子平分午配宮  
九日遊濟池和劉西陂韻

御史 孫永思 蒲州人

殊方九日尋高處出郭同臨池上臺濟水烟波石竇  
湧太行風雨樹聲來瑤潭歌度魚龍窟玉殿香迎竹  
葉杯莫向鏡冠談未落流光我已三毛僮

過大行

按察使李攀龍歷城人

千峰群閣望嗟哉此日褰帷按塞過  
落木悲風鴻鴈下白雲秋色太行多  
山連大陸蟠三晉水劃中原散九河  
回首薊門高殺氣羽林諸將正橫戈

予將遊天壇山適何柏齋侍郎書至

山人

謝

榛

臨清人

西南形勝地春暖碧桃開遊子興將發  
侍郎書正來岡巒抱靈氣洞壑養仙才  
我欲隨高蹈仙靈百尺臺晚登天壇絕頂

遙向蓬壺探海月謾扶藜杖嘯天風  
踏盤翠碧千層



上人在蒼茫萬點中  
王母鸞歸深洞閉  
軒皇龍去古臺空  
憑虛極望斷消息  
柿葉滿岩秋自紅

將遊王屋次濟源作

恭政  
吳國倫

與國

老去看山猶是僻  
人言王屋小天臺  
孤城地接西壇勝  
二濟泉分太乙來  
載路烟塵清駐馬  
隔林風雨妬登臺  
明朝擬破遊仙夢  
萬仞峰頭一舉杯

度猴嶺關

俗呼秦嶺

複嶺重關鳥道通  
孤軍遠扼萬山雄  
村烟不散狙猿麓  
烽火全消虎豹宮  
客到雲峰天混合  
寒生石峽雨溟濛  
當年困驥長鳴處  
尺步還回九折同

清虛宮

清溪道士白雲居日誦元君玉字書忽有空香迎客  
至月中携手出清虛

偶來仙觀踏飛霞遙見青林已着花若道人間無月  
府門前誰駐五雲車

過陽臺宮

萬山絕頂天壇麓古觀嵯峨華蓋覆有客尋真千里  
來真人已去空陽臺白雲狼藉棟宇欹苔蘚半蝕開  
元碑開元至今九百年人世非故山依然操瓢且汲  
洗參井鑽火旋開煮石鼎黃冠道士休相驚烟蘿之

子原無名

王屋歌

何處洞天三十六小有仙人住王屋王屋底柱遙相  
望真氣高蟠太行腹上凌二曜開天壇下湧雙泉疏  
地軸滴乳繽紛薤葉垂飛巒合沓蓮花矗壁老軒皇  
未採芝巖餘夏后曾刊木虛空匠出金銀臺輻輳規  
成子午谷五色靈光夜夜朝道人爭訝龍銜燭攀躋  
直造虛皇宮千山萬山都拱伏拂鼎重然西國香調  
琴自奏神絃曲虛皇授我太乙丹使我顏童髮再綠  
須臾笙笛響空中起馭赤螭驂白鹿俯觀四海一蹄

涪安見九州非粒粟卷石崑崙點大荒黃河東走不  
盈掬向來虛誦五千言誰道無言是真錄河上老子  
浮邱生八極歸來王屋宿

出山

飛泉出峽猛如龍萬壑聲傳送客鐘一片紫雲流不  
去當谿立作道人峰

還次陽臺

朝下八仙壇暮宿九芝嶺溪潦塗故宮荒蘿蔽空井  
丹竈灰不然青精飯已冷篝燈坐談元寂寞是真境

登天壇

參議

左

傑

思縣人

登覽名山及早秋青螺縹緲萬峰稠雲連壺口通三  
晉日麗天門控九州太乙元泉寒並起瑤宮紫氣晚  
還浮伊余陟此形神逸坐見扶桑海色流

奇峯孤峻玉臺橫四望烟縹薄太清仙掌秋高雲氣  
冷金莖月出露華明龍飛不見軒皇駕鶴唳如聞子  
晉笙今日同遊凌絕頂逍遙真擬是蓬瀛

望盤谷

副使

樊繼祖

郟城人

竚望唐賢跡欹冠倚碧筇春山開錦軸古柏仆蒼龍  
苔滑遊人屐風傳梵寺鐘何時卜築裏穩卧白雲峯

軒轅壇

總河

周于德

夙抱清幽遠世譁星軺千里入烟霞應龍飛馭軒轅  
輦青鳥宣臨司馬家御愛古松成怪石沃丹神水試  
新茶掛冠得遂青山志長侍仙壇掃落花

周于德一為總河一為都督僉事淮安人有詩見

明詩綜

枋口

懷慶知府朱期至 新水人

石壁斷如削青天一水流依然枋口下不減昔人遊  
日落平沙樹烟橫野岸秋莫教催候吏樽酒在漁舟

國朝

龍潭寺

文安王鐸 孟津人

石砌寒無沫香林識所宗江湖朝一縷風雨會群龍  
不替青藤杖無窮綠玉峯收心京鎬遠贏得學山農  
濟瀆池

萬古濛濛裏淵然通海門積虛皆有故善動自能存  
古廟香青鼎深潭吼白龜思遊八極外寥落問天根  
贈濟源吳孝廉明自

年少河邊問典墳宋莊登眺對斜曛雖然花徑迷紅  
樹每憶山齋想白雲錦石自宜麋鹿卧野鷗誤入鳳  
鸞群寄書好晤深巖裏夏禩秋濤總為君

枋口泛舟

侍郎

薛所蘊

孟縣人

汾州府志 卷之六  
枋口名來遠幽尋擢屢移觀渠追禹績掃石覓韓詩  
驚浪魚龍出陰崖虎豹窺山風秋氣肅相勸倒金巵

盧墅

即盧仝烹茶玉泉少司空  
段園璋拓為園亭因名

玉泉有詩癖籍甚標風雅胸中富邱壑况居名山下  
別業占形勝流風誰嗣者有美段司空為園如綠野  
屋裏青峰入門外碧湍瀉脩篁迷曲徑喬樹無炎夏  
先生時杖筇與客同杯斝飄然物外蹤興致何瀟灑  
河陽距一舍塵事紛多假問字一來遊群慮澹以寡  
安得此長坐曠懷日抒寫俯檻眺長吟欲去不能捨

石塔行

御史

劉漪

邑人



溪水西頭軹道阡石塔碗礪柱平川父老傳聞不記  
載深根蟠地入重泉顏如鏤鐵蓋如笠光芒剝盡煙  
嵐濕溪意山心遠樹垂亂費神臯封秘笈一似秦橋  
鞭打後沉波抱壁走耕耨又似陳倉樞史編石鼓無  
聲鳥跡傳我來搔首憇寂寞曠野荒邛無倚着城郭  
人民知多少尺地歸然峙齷齪君不見龍泉獄底為  
人攫石塔亘古異氣獨落落

盤古壁上讀韓文公序跋後

太行之陽煙川斜雲水環封隱士家泉從半嶺通石  
榻脩木如葉遠逕遮南村愚公耽幽趣流連虛龕弔

孤墓芻猶新兮駒已遐披蘿搜撫唐賢句有唐盛跡  
多塵埋胡為二賢對磨厓歎服二賢人所難行藏相  
反反相全華胄逍遙闕閱外北斗昭回邁軸前矧嘗  
手出康衢執衢旁勒馬空塊壘門者呼鬼王者帝為  
誰驅塵並倒屣金石成言當祖道獨下如椽交如水  
沆濟東流行屋深清風斜捲明月紫

枋口舟中

嵐光收衆麗水力破天關谷轉波無定雲輕石與閒  
隨人飛綠樹返照落青山漁火前却近吾將問大還

沁水泛舟阻雨

沁水風迴浦長堤柳覆邨山雲浮紫岫野杵急黃昏  
遲月舟維岸移樽雨到門相期涼冷夜一葦溯河源

枋口春汎

孝廉

喬騰鳳

孟縣人

三月桃花水遠添石峽流為貪朝景霽因作放船遊  
錢壁文章古香臺鐘磬幽春心傷極目雙鷁下沙洲

登金爐山二首

孤峯螺髻小縹渺出雲端鳥路三千丈熊崖十二盤  
天高日氣靜風厲客襟寒何用吟招隱披雲興未闌  
萬壑丹楓窈群山秋氣澄登臨來九日歷覽陟千層  
華嶽高周甸黃河遠宋陵君看雁沒處迢遞悲風興

秋穀秀雙岐

泰州段振蛟 邑人

朝廷有道嘉祥集今宰深恩和氣生已見河清開

聖代欣傳麥瑞產原城金芒映日蒼生喜玉浪翻風濟

水明自是太平增氣色倉箱千萬祝常盈

昨年黃河清

再登天壇寄停雲停息二真人

南充

段維袞

邑人

再駕蒼龍嶺天門拂曙開兩峰懸日月下界走風雷

御愛松長在登仙石未灰翩翩青鳥使欲下又徘徊

靈秘仙人府清虛小有宮星辰天可摘呼吸帝相通

都邑分周甸淵泉憶禹功忽聞廣樂奏音繞碧霄中

紫氣千山拱晴光萬古如講壇留御幄寶蓋結軒車

果老園堪任紫微谷自虛何人歸洞府早晚為傳書  
遍攬寰中勝方知第一天周圍通萬里襟帶小二川  
參井仇池近仙燈瑤圃連到來聲臭盡更欲問喬佺  
枋口

鴻濛不可問疏鑿實奇哉突兀兩峯斷崩流三晉來  
洪濤翻日月巨浪轉風雷欲覓先賢句千巖覆綠苔  
將軍栢

上蔡  
段綿柞邑人

王屋嵯峨濟水深託根珍重栢森森滄桑劫外留天  
地椿菌年中自古今日射錦開龍兕甲露濡玉潤鬼  
神心更憐拳曲離奇勢不獨摩雲矜文尋

九日濟源姪天階攜酒同遊段侍郎盧墅二首

檢討

尤

侗

吳縣人

玉川昔日煎茶地柯古當年載酒時  
綠野回頭今已矣青山對面尚如斯  
偶停車騎窺三徑漫借琴書遣  
一卮欲折黃花殊未得却栽紅葉共題詩

已向鐵菴尋勝蹟還從盧墅撰良辰  
百年望古空秋草九日登高有旅人  
濟水波瀾常隱現太行雲氣自  
輪囷阿咸為政多閒暇林下相攜竹葉春

濟瀆

中州維嵩高黃河為至鉅厥秩視公侯  
大物天所予

濟水一勺多何居四瀆侶水由地中行  
湫流見茲土眾濁我獨清朝宗得其主  
此理人不知導源自神禹司之有冥靈  
廟貌由來古

朝廷薦俎豆穹碑滿堂廡配以北海若  
乘時興雲雨擊石事既奇浮帛恍如覩  
大樹一將軍儼同大夫五百尺矗無枝  
其上結釵股氣象千千章婆羅亦首俯  
秋色正蒼茫波光澹容與一吸珍珠泉  
兩腋清風舉遙指王屋山雲旗往來處  
恨不續九歌巫陽舞翾羽

重脩文廟勒石恭記

邑令尤應運

溫陵人

無窮絕業孰能窺自是千秋文在茲  
禮樂獨宣今古

秘詩書皆發地天竒幾年剝落愁風雨一旦輝煌異  
歲時仰止已欣丹堊麗此心更與後來期

重建邑署落成

歲在庚申夏初吉余從范水量移此斗大山城荆棘  
中蕭然四顧無都市衙齋剝落已無存茫茫惟對殘  
灰耳邑中父老愁向余欲言不言淚如水為道當年  
全勝時萬家煙火風光美轂擊肩摩白晝中高臺曲  
榭青霄裏誰料繁華不久留咸陽一炬無遺址從此  
景物委泥沙人民流散半生死往者非無令尹賢舉  
衰興廢復誰是所以飄零直至今四十年來尚爾爾



余聞此語殊心傷側身望古欲沾裳挽回造化由人  
事忍令此地長悲涼集衆謀為鼎立計玉川婦子懽  
欲狂鳩工先自捐微祿亦有同志共輸將夏月經營  
秋落成規模制度皆輝煌溪山形勝能環拱煙雲屏  
翰有文章昨冬北門已立市去秋

聖廟已重光儼然自成一都會由此振興尚可望敢云  
負荷有大力實緣諸君輔弼良余也虛谷非所樂惟  
願後人永思以無忘

前題

進士 璩廷祐 邑人

山城百戰後廬井幾家全丹署風光冷青山瀉瀼懸

荆榛餘舊跡瓦礫已多年忽覩掌階煥應知令宰賢  
近依屏翰峻遠望棟樑連飛雀低行嶺卧雲小濟川  
規模雖似舊輪奐已過前父老欣無限歌聲遍野田  
美邑侯甘公開沁枋第五口

歲貢

李含章

邑人

志慕前賢蹟遂脩神禹功龍門今再鑿伊闕復為通  
水落青山外雲飛綠野中翻疑景色霽化雨瀉晴空  
十方院遇雨

何騰龍

邑人

咫尺天壇未可通上方臺殿碧雲籠樵歸山徑莓苔  
滑鳥啄秋園柿子紅澗底聲喧連夜雨簷前鐸報一  
天風明朝拄杖憑虛上萬壑千岩望不窮

遊龍潭道中

閒來野步興偏賒，芒屨何辭踏草芽。  
遠浦白鷺沙上鷺，隔林紅見樹頭花。  
千村滴翠連山麓，一徑穿雲到水涯。  
最愛夕陽春樹裏，數行烟柳亂啼鴉。

雨後登石橋

雨霽雲收曙色開，扶筇橋上重徘徊。  
積塵一夜風吹去，初日高林影射來。  
花自密時聞鳥語，樹從闕處見樓臺。  
更看無限青山好，都向平欄拱翠迴。

白澗

舉人劉璣邑人

落得寒煙漱晚汀，誰言玉綠與冰青。  
隨練影飛長

漢源集卷十六  
三  
劔綠到銀灣寄短萍萬經雲深花冪冪一天浪靜石  
亭亭猿來鶴去總相識不信二郎阻客星

遊王屋東陽石佛寺

縣丞侯立德邑人

地僻禪林古山幽色相空雲虛松不碍岸斷屐難通  
泉落巉岩下溪流亂石中鶴驚飛釣處彷彿見坡公  
石橋春望

一灣泥水駕長虹人在欄杆複道中織柳嬌鶯藏不  
住銜泥燕子背翻風

王母仙燈

光來天上照天明夜半雙雙空際行應是瑤臺迎法

駕故教玉女捧仙燈

西湖夜雨

烟舍古寺色蒼茫  
淒切聲隨夜漏長  
滴瀝空階渾是雨  
非關魂夢到瀟湘

懸崖古栢

壁立空懸萬仞山  
倒垂埃栢老蒼顏  
鶴巢翠蓋經年久  
雲鎖虬枝盡日間

龍潭夜月

最愛龍潭夜月秋  
空明玉鏡乍沉浮  
豈塵不覺隨心遠  
清曠猶能與目謀

枋口泛舟值雨步路公韻

邑令董榕

重巖飛驟雨一葉蕩寒溪躡屐經苔滑看雲出岫低  
摩崖煩運帚烘墨憶燃藜快覩龍蛇舞騰烟護鉅題

石橋春望

程政

閒舒望眼倚欄杆錦繡重重疊翠巒瑞彩紅雲橫瀆  
廟春光紫陌接長安烏衝花落啼芳樹魚躍萍開下  
急湍種得桑麻千萬頃生民樂業頌聲歡

盤谷晴煙

非霧非雲谷底生無端濃淡自消盈青山斷處籠圖  
畫白練拖來映素清雙鶴衝開天欲曉一犁耕破雨

新晴欲從李愿歸深隱  
別有人間樂太平

登王屋山

覃懷太守沈榮昌  
湖州人

山水夙癖盟未寒  
又提征袖摩雲端  
莫言旅客山行  
易邦君劇憐野性  
耽申旦戒徒出林  
困望中煙樹迷  
高岫苔深慣緣青  
徑藏泉咽多穿白  
石瘦回頭城郭  
日初臨翳眼松篁  
林乍茂懸厓老樹  
花倒開接磴蒼  
藤枝遠闕行人小  
憇古招提風生幽  
壑清音奏細馬  
嬌嘶不肯前  
哈呀歛燠人攀緣  
舉頭驚見浮雲裏  
杳靄一峯青  
插底捫蘿附葛千  
盤頭境臨愈高景  
愈幽群峰忽開巖  
樹遠山頭有屋如  
神樓駕虛復容挽  
索

上咫尺應須千里收此中清絕人行少道人枯坐年  
垂老邀我門外展牙蒲脚底煙巒青未了諸天滅沒  
丹崖中日月精華起特峰窅然身入寥天一玉洞遙  
傳許許風道人為言景物異仙山不與下界同山靈  
昧旦移影碧銀海中宵銜日紅壇前古柏光琥珀洞  
中仙液鳴琤琮巖阿多生不死藥服之生羽遊蓬宮  
嗟予橐筆塵頭客對此摧懷徒脉脉何必此間帝座  
通也知搔首情猶昔勝地已臨堪撫掌歸歎作歌聊  
自廣昌黎望閣煩文藻東坡觀海稽神像太守畫戟  
此曾來天散瓊花不得上豈果造物哀途窮青山有



約原無爽歸告使君且停畱駢車那得攀荆莽

此郡尊未第時設帳覃懷遊此所作未幾而五  
馬光臨洵屬千秋佳話已卯冬因公至濟有句曰  
我是此間舊遊客攝衣曾上月華峰謹誌之可為

山川生色

漢柏行

咏濟廟將軍柏用  
杜陵古柏行原韻

漢家何人留此柏王母苑核生磐石汎流千里養根  
株瘠土百年長寸尺王屋風高久支撐華蓋雲來好  
護惜千霄直挺蒼龍蒼淨體新披白雲白我來遠自  
丹水東衣冠肅穆朝巖官長廊靜立萬籟寂複道幽

棲百慮空摩挲一碑紀此樹樹頭凝然生古風虛心  
下與君子友霖雨敢竊大夫功輪囷屈曲不任棟父  
視人間誰愛重天生混沌未雕鑿古來日月自迎送  
粗疏那惜撼虬蟬披拂會須翔鸞鳳莫道穿根百丈  
深靈泉萬斛儲民用

閱濟源重復廣惠渠示諸父老

五龍洞左出山隈迤邐陂陀過峽來村落幾堆雲遠  
近波光一綫是新開

蜿蜒穿去小橋通宿麥初根綠未叢好語農家還讓

畔一川和氣釀年豐

謁袁公洞偕立齋大令

袁公疏鑿處遺蹟至今傳  
駐馬疑無地穿山自出泉  
百年青史在萬井綠雲連  
肖像岩扉裏殷勤囑後賢  
由五龍口至盤谷

萬壑噴虹走馬遲  
河聲嶽色鎮相隨  
愁無點雪來瓊液  
尚有飛泉下碧池  
依樹登山人在遠  
撥雲出谷鳥先知  
嗟間大刻昌黎序  
可似英年弄筆時

癸酉六月朔日隨道府二憲周巡西山時方苦旱  
竟日大雨口占

邑令

許本異

福建人

冒雨勤王事  
追隨歷僻幽  
千山雲盡黑  
萬壑水爭流

流峽圻危疑墮坡斜滑似油莫辭行役苦渥澤遍西  
疇

奉檄挈舟由縣境河口順流而下舟中口占

聞道南徐水接天幾曾清淺變桑田金堤百丈鯨波  
齧繡壤千圻鱷浪湮拯溺有懷窮北陸邨隣無計障  
東川羽書何待飛馳急萬頃洪流夜放船

東郊勸農

酒滿提壺榼半肩勸農先勸縣東偏盧仝故宅餘疎  
柳李愿幽居隔薄烟麥浪隨風紋細細荷錢出水影  
西田黃童豈識勤民意亦逐村翁拜馬前

與鳳臺沈省堂大尹會巡北山因話令祖心齋公  
視學閩中諸生至今祠祝省堂詩以誌感依韻却

和

宦途良晤信難期把袂承君不鄙夷  
盛世山川無險阻勞臣車馬暫棲遲  
箕裘偉業繩前武桃李濃陰憶古祠  
惠我新詩齊八咏因風寄與故鄉知

靈山晚照

員外段景文邑人

一峯螺髻擁平阡金碧珠林日影偏  
縹緲岡陵疑紫氣縱橫井里散晴烟  
霞烘野樹歸鴉噪人對斜暉放鶴還  
靈異果然靈岫萃漁村不羨楚雲邊

沁口秋風

摩雲兩壁夾寒流，谷邃天高爽籟幽。  
翠撲衣裳嵐影動，涼侵肌骨水光浮。  
鑿渠尚續盧侯績，作賦還生楚

客愁。吹盡六塵清境界，勝遊何必在深秋。

方輿勝覽云：枋口水。

隋盧賁唐溫造俱于此開渠灌田。

遊天壇二首

知州段元文，邑人。

柱具烟霞癖，幽探蠟屐便。  
玉溪爽影燦，瑤草露華鮮。  
仙觀松雲闔，天峯日月懸。  
石梁險可蹈，絕頂更孤圓。  
放眼乾坤濶，貪竒懷抱開。  
丹爐七焰滅，帝闕九龍迴。  
河洛明如線，嵩邙翠作堆。  
僊區一百六，搜覽冀重來。

傅堯俞墓

雅度三朝重孤墳千載隆  
敷陳廻聖后抗論忤荆公  
樵牧春莎綠松杉夕照紅  
生芻羞野薦瞻拜仰高風

盧仝墓

武山雲影外灑酒憬高情  
詩共昌黎和田從花洞耕  
清泉留盛迹破屋著芳名  
淒斷封邱草春風綠又生

龍潭夜月

尚書  
衛哲治邑人

飛來靈物隱虛潭雲外光華水底涵  
斗大明珠浮不定天長白練影難探  
橋通海眼開金鏡塔掛蟾宮插玉簪  
豈是神龍偏戲月清宵輝映侍中庵

盤谷

盤谷高人傳世世太行風景閱年年  
兩山環抱地中地數井遙通天外天  
昔有雄文驅虎豹今無大道樂  
林泉登臨欲步韓公後廊廟江湖任自然

盤谷

副使何達善邑人

鳥道紆迴石磴斜林巒半是白雲遮  
山連翠柏環靈鷲水遠香臺灌藕花  
石砌松軒留壁記竹籬茅舍寓  
山家一川暮紫朝烟幻為伴幽人卧落霞

甘公洞

水利古枋口奇哉穿石穴人事苦詐謀  
史君嘆智



偉功待後人天地為造設甘洞在上流引水西南折  
西南遍斥鹵村村資蓄洩穰稔玉稻盈飛翔白鳥潔  
能驅龍伯旌一掃蚩尤血奈何但荒煙閒作霜與雪  
利興會有時翹首思賢哲

天壇倒影

萬仞天壇帝子居何因一夜轉坤輿蒼茫霧隱青山  
舊碧落雲開翠岫初捧出樓臺非海市浮來島嶼豈  
鰲魚乾坤鍾秀竒如此欲把神工問太虛

濟瀆晨霞

靈泓一脉與天通朝現榮光燦碧空片片明霞開玉

濟源縣志 卷十一  
宇重重華蓋護晶宮  
卷舒隱幻神龍影  
縹緲輕隨少女風  
非霧非烟徵瀆瑞  
流清佳氣鬱葱葱

王母仙燈

知州何復善邑人

天壇勝地列群仙  
王母清虛小有天  
籟靜時時歸鶴  
駕山空簇簇湧金蓮  
飄搖松檜星光亂  
錯落川岩月彩圓  
應是珠宮常不夜  
瑤池紫氣隱相連

延慶寺文塔

舉人何樂善邑人

浮圖卓出梵王宮  
永奠坤儀勢獨雄  
晃漾金瓶涵海月  
玲瓏寶鐸振天風  
輪光直射千層影  
瑞氣平吞萬丈虹  
自是鍾靈文物異  
筆花璀璨五雲中

不老泉二首

舉人王璵邑人

覓勝平陽春水邊  
汀洲處處畫寒煙  
野翁指說叢茅裡  
猶是當年不老泉

泉名不老閱千春  
滄海揚塵可是真  
聞說當年曾大旱  
此中飲汲濟斯民

泉方二尺許深不滿尺土人云康熙六十年天大旱百脉俱枯

而此泉獨存遠近居民皆仰給焉

金蓮泉

金蓮名號掛靈都  
一脉空留碧澗隅  
昔入仙厨烹御  
竈今供民舍洗蔬蕪

懋鶴臺

王子晉跨鶴登仙本不足信但晉後為太原王氏吾家徙自洪洞譜系太原正出晉

後意欲實其說以照源本而年遠未決因此地有憇鶴臺乃晉遊歷之地聊題此見志

跨鶴登仙事有無相傳此地憇靈車只今三晉多苗裔欲向雲霄問實虛

鳴鐘泓

萬仞山間半畝泓時聞飛瀑起鐘聲鯨鏗水面山僧覺龍吼波心野客驚翠颭旌旄千尺藟蒼羅儀衛百年檉蕭然坐對情無極散步歸來暮靄橫

濟源道中

知縣顧師仁  
杭州人

馱愁倦馬踏霜寒王屋雲開擁翠鬟深穴有人猶古處大河如線到山彎家頻入夢書偏少身已休官老

未間贏得征途詩料好鞭絲帽影畫圖間

陪杏岑蕭封翁樗莊沈丈遊五龍口

李元叔

沁水西來東峽間鑿開石骨作長川挽回東倒千尋  
浪溉盡南畝萬傾田依檻光陰隨客過摩崖詩句待  
人傳蕭侯理縣傳為譜愷澤還應比昔賢

同邱上之吳廉仲遊濟池

靈源深淺別西東北戒青山落鏡中復跨三州如養  
晦資深萬物不尸功祠留漢栢精華古榜有奎章氣  
象雄一酌清泉還小憩天壇煙色望無窮

寓臬餘園用少陵游何將軍山林詩韵賦成十律  
呈蕭明府立齋兼東園主人段見亭刺二

沈維材

名園臨萊水西望望春橋叢樹浮青靄高峰入絳霄  
四時多好景百里有佳招三十年前夢遲回嘆路遙  
話舊胸懷塞觀空眼界清浮踪同泛梗快意似遷鶯  
稻已為春酒魚還作曉羹到來曾踏雪人傍玉山行  
行山天地脊王屋是分支清濟為肝水源流太乙池  
園亭能聚秀勝槩有誰知好手如相遇圖成日一披  
蔭密杪樾樹香清菡萏花風聲來虎豹水勢走龍蛇

燕語炎涼換鴻歸道路賒此間雖可樂萍客嘆浮家  
山水相環繞塵氛自剗開蒼松雄視栢紅杏艷爭梅  
我欲吟風去誰能冒雨來綵毫揮染處箋紙碧於苔  
友山兼得月汲井亦分泉秋葉華於錦春莎軟似綿  
烟疎披柳線風急播榆錢名勝堪千古流傳自玉川  
讀到名園記千秋翰墨香同時誇富麗異世嘆荒涼  
雉兔仍來往蛟龍可遁藏見聞都若此不用問穹蒼  
短垣臨大路高閣倚方池散步寬圍帶趨迎正接羅  
樹梢栖鶴子蘋末戲魚兒興到堪吟眺仍携硯管隨  
靜機如木石變態似烟雲習懶勤開卷安貧賤賣文

是非難自定功過與誰分萬事等棋局無言可釋紛  
樂餘名復樂同樂樂如何先世貽謀遠高人寄跡多  
雲山供遠攬歲月付高歌見說西園好他年可再過

疊前韻呈見亭先生

園以司空著風流似午橋近光依日月退隱在烟霄  
自有松堪撫寧無鶴可招靜中觀物理何物不逍遙  
不但看山色朝來爽氣清飛騰輸賀燕唱和羨啼鶯  
難覓蒸丹餌曾嘗糝玉羹最宜澹蕩處雲水自流行  
食力惟耕硯衰頹強自支明星常在戶暗水自通池  
關雨群蛙喜占晴衆鳥知叢殘書幾束晨夕不停披



焚膏常繼晷眼共蠟生花字誤魚兼豕書成蚓與蛇  
泉甘茶偶試市遠酒能賒夜靜園尤曠隣家有幾家  
烟嵐隨地起邱壑自天開秋到思攀桂春歸憶折梅  
名花須補種嘉樹並移來點綴三三徑痕添雨後苔  
憶昔攀嵇日曾經酌惠泉荒園嫌冷淡勝友話纏綿  
題咏多鐫石登臨每索錢即今能久住人比好山川  
如依脩竹里松鬣亦生香臺曠迎朝旭亭間納晚涼  
誰誇名畫錄更羨 御書藏遊屐何曾到吾衰鬢已

蒼

綠深惟此地綠滿謝家池盛暑欺團扇新涼透接羅

農耕勞餉婦樵唱學歌兒謀野非無獲吟肩孰與隨  
氣暖花如霧陰濃葉似雲游魚原極樂飛鳥亦多文  
不信仙凡隔難將主客分屢遷同蟋蟀離緒又繽紛  
夢草亭無恙池塘又若何萼輝友愛切鴻爪感懷多  
至性關風雅閒情托嘯歌西堂新築後此地少經過

玉川襟詠

步杜工部何將軍  
山林十首原韻

石橋春望

雲南呈  
貢令

蕭

濬

安慶  
人

望春春到早閒步望春橋遲日變金柳和風煦碧霄  
山光勻翠黛鳥語競呼招四野勤東作平疇極目遙

盤谷晴煙

高隱幽棲地煙橫萬壑清隨風拖素練單樹隱遷鶯  
谷邃別天地泉甘益食美塵寰非有隔底事霧中行  
濟瀆晨霞

北瀆來天際靈源派自支氣蒸文作錦旭照彩疑池  
澤物流何遠神庥瑞可知霞明川更媚紺宇仰紛披

王母仙燈

佳景瑤臺最天開不夜花蛭脂炫蘭燼寶炬掣金蛇  
灼灼星光炯煌煌玉照睒洞天異凡境小有即仙家  
西湖夜雨

濟水多佳勝西湖何自開清宵聽洒竹細雨為迎梅

爽氣林間靜寒聲水上來蕭蕭還達旦烟霧滿蒼苔  
龍潭夜月

潭清澄月鏡龍起噴珠泉皓魄看浮動金波共渺綿  
雲開飛足練荷淨數聯錢步屨疎林遍溶溶滿玉川  
沁口秋風

乘秋遊沁口野菊正飄香爽籟襟方快清颺晚送涼  
漁舟緣浦繫歸鳥傍林藏興盡驅車返雲山一望蒼  
靈山晚照

靈山洵靈異孤岫聳洿池永日宜盃酒斜陽按接離  
峯頭餘彩色樹底見鷺兒不必揮戈返歸車玉鏡隨

天壇倒影

壇紀軒轅號崇隆聳碧雲精華凝浩氣璀璨燦天文  
平地嗟峨見竒峰恍惚分豐年于此兆瑞靄故續紛  
懸崖古柏

自是長生樹參天歲幾何幽棲山塵表高蹈倚雲多  
不羨封章及惟聞牧豎歌貞松應作伴日月任經過  
丁丑重陽邀同沈子樗莊樂餘園讌集賦贈馮子

朗仙二十二韻

時馮為啟運  
書院山長

別淚洒金臺寒暑忽四易離情萬里牽期會愁無計  
昨歲來中州尺鯉郵筒寄風月我投閒天衢君勵志

雄才稱卓越，干旌應早賁。推轂有知音，觀光非不利。  
要津謂可期，雲樹思逾積。天將老其材，青冥屢垂翅。  
故業仍耕作，彭戴相維繫。河濟即南州，從容放經筭。  
玉川多名流，文壇資講肄。怡然乃董帷，時雨化何易。  
豚子曾立雪，方同聚以類。春風還共坐，事成重居肆。  
浪遊甫旋車，話舊愜心臆。秋光正爽豁，黃花香滿地。  
載酒樂餘園，休文兩同契。謂沈窮目登危樓，構莊邁飛躋。  
高致佳什各擅長，不在題糕字。人生遇合奇，十年九  
殊異。驂騮寧久羈，馳驟終可冀。桑落須滿浮，且盡今

朝醉

奉和沈省堂郡伯漢柏行即依原韻

少陵昔時咏古柏音韻鏗鏘同金石于今又誦漢柏  
行仰見繩趨與步尺猗歟濟廟柏參天千年植立堪  
珍惜勁節潛滋沆水長霜皮遙映月峰白清源澤遠  
自西東福國祐民崇祠宮古木參差盡奇特一瞻此  
柏衆株空蛟龍突爪撐白日鴻鵠展翼凌長風將軍  
渙號邀殊寵一邑應資保障功奇材原足稱梁棟自  
古褒封宜鄭重與夫齊長等地久秋月春風遞迎送  
訝謳相繼盈簡編清吟彷彿聞鸞鳳自非沉酣杜老  
中安能信手憑拈用

濟邑育嬰堂久廢未行植男與好善諸君子葺而

新之詳其規條備其工費遺棄嬰孩得以收養

落成之日為之欣慰因題四韻于壁端

生成萬物賴鴻鈞輔相惟宜左右民 聖德宏敷周

襁褓 皇恩廣被總慈仁遵循須切誠求念籌畫還

期惠澤均為善昔賢稱最樂欣看眾舉一時新

邑東有廣惠舊渠歲久湮廢村民請修復再閱寒

暑而告成功 郡憲親臨勘閔口占二絕示諸

父老依韻敬和

邑令蕭應植

曲曲山隈更水隈程工一載往還來敢云利濟邀時



譽故步遵趨祇續開

歡騰衆庶輿情通紫馬光臨煥棘叢誌喜尤欽兼誌  
勉鴻詞強步語難豐

縣署歸實堂圖本地山水古蹟者六漫賦而書其  
地以自勉

五龍口

秦渠枋口沁源通鑿透巉巖纘禹功隣境邀恩知濟  
廣郊圻被澤兆年豐石門蓄洩奇猷著玉帶迴環躡  
事同自昔法施民有祀披圖誰與繼流風

盤谷

巨壑高巖勢若環，信非真隱莫躋攀。  
名文昔誦時欽仰，曲逕經遊樂往還。  
劬倚天泉飛雨急，風迴幽谷駐雲閒。  
頻看畫幅堪成趣，不用金錢更買山。

王屋山

洞天高廣接穹蒼，屏幃依稀見上方。  
院聳紫微通帝座，松留御愛仰軒皇。  
群峰拱侍天壇矗，太乙淵深沈濟長。  
最異夜分覘海日，峻崧巖泰共徬徨。

濟瀆廟

祀典周官重視侯，功崇導沈迹堪求。  
池環水殿含風細，柏號將軍挺幹虬。  
濶逮魯齊流未了，尊符瀚海澤

還悠禮周歷代碑林立繪出丹青儼十洲

龍潭寺

東源狀見派分明匯作澄潭西更清龍以時乘天澤  
永泉看仰出野田橫紆迴古刹塵囂靜標炳前賢惠  
政聲俯此長流須彷彿圖成不止羨滢滢

邵原關

太行西與析城連一望嵯峨萬仞懸山徑遙通晉水  
曲巖關深鎖嶺雲旋芾棠故邑欽餘蔭濟旱神龍吐  
異泉 盛世黔黎安衽席當思保障等烹鮮

恭步 郡憲沈公喜廣惠河重開示諸父老原韻

典史 張世侯 山陰人

碧流如駛遶層隈何幸追陪行  
幘來駕乘一鞭供策  
遣無窮惠澤喜重開

疏透清波地脉通春  
旌桃李滿芳叢資生有賴民無  
競咸慶盈寧紀歲豐

賦

唐

登天壇山望海日初出賦

統于俞

配乎地者惟山麗乎天者為日  
登峒嶮之峻極見曠  
隴之初出廓靈海百川之宗  
孕金烏千里之質泛圓

光於沈瀟燭魚耀而灑溢雖騰輝於碧浪之中詎侔  
色於紅萍之實觀夫烈霾曠赫炎晴擘洪波歆太清  
馮夷駭躍罔象奔驚照燭兮驪珠潛吐曠朗兮龍燭  
忽生愕群僊於金鏡驚天鷄於玉京巨寢半涵猶韜  
晉天之美人寰尚曠孰識朱融之明懿其千仞可躋  
四目斯在危岫陵乎碧落日域遼乎滄海既登陟以  
遐觀知蒙汜之浴彩晨光乍分夜色未改昇黃道而  
將始臨下土而有待晝明夕晦徒觀其躔次之常出  
有入無孰測夫陰陽之宰氣澄霧卷月落星殘沅暉  
電曜散彗虹攢將煥爛以下燭出浩淼而上干挂扶

桑而杲杲昇暘谷而團團敷九華而葩奕燦三山之  
峰巒且幾昇天無憂於見渫已能烜物寧患乎初寒  
順寅賓而不忒爍溟漲之無端乘變化而復徃得沐  
浴乎波瀾於是遊大極辭殘夜羲和敬導運行有舍  
得天能久克彰乎貞明委照無私不間於夸夏嘗傾  
藿而久俟冀餘光之一借

其二

山惟隱天海則孕日日將昇而轉麗山望遠而無失  
青崖直上覺亭亭而漸高碧浪遙分覩杲杲之初出  
以測峇度窮滄汨豈能獨媚東南之隅空呈畏愛之

質而已哉當其陰兔傾晨鷄鳴捫葛藟陟崢嶸挺身

于壘嶮肆目於八紘天地廓烟雲清赫彼巨漫吐茲

炎精映曠曠而有境燭浩淼而方呈彩射空中謂陰

火乍出色浮波上疑萍實初生鰲爾下土煥乎上征

觸高濤而暫滅泛輕浪而還明曙色漸分晨光未改

濛汜拂浪扶桑浴彩將黃道以麗天必青方而浮海

豈韜映之為美實照臨而有待是豈望莫遠乎口域

登莫峻乎天壇彼以離而取象此以艮而居安考之

則陰陽有度察之則溟漲無端倪乎銀漢落金波殘

將東方而自出俛下土而式觀三足翔翔若刷乎渤

澗重輪輝煥如歷乎波瀾映嶂夸而未定拂若木而  
將升紅彩下沉照波中之鱗甲朱光上溢射雲表之  
峰巒誠變化之相詭諒始終之莫殫泊夫出溟渤照  
戎夏昇九天辭午夜羲和整轡而直上葵藿傾心而  
皆仰亦何必登日觀之峰而後望神明之舍

康熙郡志三賦並錄今存其二又蔣防一賦如赫  
曦而六合貞明吞納而百川奔赴赤玉之盤燭地  
黃金之鏡貼天皆警句也

清濟貫濁河賦

許堯佐

河之並濟兮惟秩其平濟之貫河兮勢若相傾非剛



克無以見其柔立非甚濁無以彰其至清是以靈源  
濬發柔德驟呈徒觀其流波委注秀色澄澈冲融而  
濁水遙開鼓怒而洪流直截遂使還淳之士疑二氣  
之初分策功之臣驚一帶兮中裂既處濁而不染每  
含貞而自潔苟與和光者殊致寧與泥沉者無別只  
以霍護波激崩騰勢翻濟水與河水相輝光容易識  
清流與濁流不離質性難論苟徵之於變化可察之  
於本源予以表德予以辨類方九折而橫流啟重泉  
而直至故以盤渦渾曉日之輝疊鏡寫晴峯之翠絕河  
而去孰與我爭先導沈斯來孰謂我奚自若乃冲虛

是翫迅激難儔廣可涉兮思航葦於寒渚清可挹也  
欲濯纓於夕流貫長川之漫漫委輕浪之悠悠然下  
流綿邈願表清而不濁上善昭容故守和而不同故  
可扶正直之純志助潤澤之成功動漣漪於迴浦萃  
光景於微風且淮之清兮濱於夸江之遠兮界於楚  
豈若貫大川以揚波臨大都而分渚含清濁而獨秀  
求匹敵而請與苟河清之可期願朝宗而為侶  
是題有李君房所作賦亦多佳句見群志

濟源縣志卷末

識餘

拾遺辨疑所以補志之缺略博採旁搜載筆者所不廢也舊有雜志數十條列於藝文之前今依河南通志附於卷末

周武王封弟原叔

今縣北有原城

宣王時仲山甫為樊侯

見大雅烝民詩毛傳

幽王五年皇父作都于向

見小雅

春秋隱公十一年王與鄭原緝樊向四邑

註俱詳見沿革表

桓七年盟向背鄭鄭人伐盟向王遷盟向之民于邾

莊三十年樊皮叛王王命虢公執樊仲皮歸于京師

倍二十五年王賜晉陽樊溫原攢茅之田晉于是始啟南

陽

杜注晉山南河北在太行山之南故曰南陽又文元年晉使於諸侯而伐衛及南陽杜注今河內地然則南陽地極寬大兼涉衛境不止晉有矣馬融曰晉地自朝歌以北至中山為東陽朝歌以南至軹為南陽軹即今之濟源縣應劭曰河內殷國也周謂之南陽後又為魏鄭衛三國之地魏即分晉地應蓋本其後而言之耳衛遷而河內殷虛更屬於晉則衛之南陽晉蓋并而有之

文六年賈季迎公子樂于陳趙孟使殺諸郕

宣七年赤狄侵晉取向陰之禾

襄十六年晉平公會諸侯于湫梁

襄二十三年齊莊公伐晉成郟邵郟邵即郟係險阨今之邵亭是也在縣西白

里即今邵原閔

昭七年子產歸豐施州田于晉晉侯以與韓宣子宣子以

易原縣于樂大心杜注州屬河內郡本屬温為趙氏邑自卻稱受州始別於温縣即今縣北

原城是

赧王二十六年秦司馬錯伐魏至軹取城大小六十一史記

六國年表

二十八年秦攻魏拔新垣曲陽之城同上水經注陽即樊也曲陽城在今縣西

南十五里

五十二年秦白起伐韓攻絕太行道綱目正編

秦併七國置軹縣

漢高后元年封孝惠子朝為軹侯

漢書異姓諸侯王表

文帝元年封薄昭為軹侯

漢書文帝紀

光武建武三年春吳漢率建威大將軍耿弇虎牙大將軍

蓋延擊青犢於軹西大破降之

後漢書吳漢傳

魏時河內典農司馬孚與枋口水利沁水自銅鞮山出太行以西王屋以東山高水峻霖雨則衆谷走水木門朽敗稻田汎濫歲功不成孚請以方石為門天旱則增堰進水霖雨則閉防斷水永為百世之利

有表見藝文

晉惠帝永寧元年齊王冏及城都王穎等舉兵討趙王倫

倫遣兵拒之。頽率諸軍星行倍道，出其不意，大戰於淠。

水倫兵大敗。

綱目  
正編

漢劉聰使劉粲等伐趙固，次于小平津。晉李矩使郭默、郭

誦救固，遣耿穉等潛濟襲粲。粲不為備，衆驚潰，死傷大

半，退保陽鄉。

原注陽鄉即春秋  
陽樊地 晉載記

慕容垂討慕容永，頓軍鄴西月餘不進。永怪以為太行道

寬疑，垂欲詭道取之。悉斂諸軍屯軹關，杜太行口，垂引

大軍出滏口入天井關。

晉載  
記

齊神武時，懷州刺史平鑒奏請於州西故軹道築城以防

邊。西寇朝廷從之，尋而西魏來攻，時新築之城糧伏未

集舊來乏水衆情大懼南門內有一井隨汲即竭鑿乃具衣冠俯井而祝至旦井泉湧溢合城取之魏師敗還

今傳有平鑿靈井在縣西四十里見古蹟北齊書平鑿傳

神武圍玉壁別命侯景趨齊子嶺楊樹鎮邵郡率衆禦之

景聞樹至斫木斷路者六十餘里猶驚而不安遂退還

河陽後樹攻破蓼塢獲東魏將李顯復鎮邵郡

周書楊樹傳

蓼塢在縣南四十里臨黃河

文宣時以懷州刺史平鑿等所築城深入敵境欲棄之潘樂言軹關要害必須防固乃更脩理增置兵將周文東至崤陝遣其行臺侯莫陳崇自齊子嶺趣軹關儀同楊



櫛從鼓鐘道出建州詔樂率大衆御之樂晝夜兼行遣

儀同韓永興從建州西趣崇崇遂道

北齊書  
潘樂傳

武成帝河清二年四月斛律光率步騎二萬築勳掌城於

軹關西

北齊書斛  
律光傳

三年九月周軍三道並出使其將楊榭入軹關冬十一月

太尉婁慮大破周軍于軹關禽楊榭

北齊書武成帝紀  
是年為周武帝保

定四年

武帝平齊置王屋郡郡有王屋山齊子嶺有軹關

見隋書  
志隋廢

為縣在今縣  
西八十里

武德

三年秦王世民遣行軍總管劉德威自太行東圍河內

綱目

正編

太宗貞觀十一年十一月乙未獵於濟源麥山

唐書本紀

唐元宗時登太行山賦詩言志令羣臣屬和

宋紹興十年岳飛使梁興會太行忠勇兩河豪傑敗金人

於垣曲又敗之沁水太行道絕金人大恐

綱目續編

金天興元年春正月丙戌大元兵既定河中

今山西蒲州府

由河

清縣白坡渡河

白坡故河清縣是時縣廢為白坡鎮河有石底歲旱水不能尋丈國初以三千

騎由此路取汴宣宗南遷河防上下千里常以此路為憂每冬日命洛陽一軍戍之河中破有言此路可

徒涉者已而果然

金史哀宗本紀

元太宗四年壬辰春正月戊子帝由白坡渡河

此即金天興元年事

也元史  
太宗紀

明崇正六年流賊破澤州分其衆南踰太行掠濟源清化  
修武圍懷慶官軍擊之賊遁去是年冬賊始乘冰合渡  
河而南

明史李自成傳

### 襟志

唐裴公美志操堅正童時兄弟四人學於濟源別墅公美  
經年不出墅門晝講經籍夜課賦詩有以鹿為贄者兄  
弟魚之召公美共食公美曰我等窮生菜食不充今日  
食肉異日何繼無宜改饌獨不肯食

裴公美刻意翰墨真楷道媚行書尤有體法濟源枋口建

化成寺僧粉額以候休題他日見之神色自若以袖搵墨而書之字勢奇絕見者嗟賞

宋嘉祐中有李殿丞者知濟源縣魏廣者主簿二人素相好一日會府中李被酒謂廣曰我果官達當薦君為屬未幾河南倖闕李又攝之遂檄廣權幕官相從甚歡監司以宴會數俱罷歸故官廣先去李餞于東門席上賦詩有曰今日不知明日事人情反覆似車輪我今自是飄萍客更向長亭作主人蓋當時朝廷文法寬所用監司皆長者故能容州縣之吏如此

以上見府志

天壇倒影見則主年豐大約在春秋二仲日將出未出時  
忽見王屋移峙縣東較西而近御愛松南天門臺殿壇  
階鬚眉畢現峰巒比西為尤秀色亦翠見者歡喜呼叫  
間蒼皆起城內城外皆能見之亦可逾時刻徐則不知  
所去或竟隱或化為雲大約三五日後必有大雨考人  
云有終身未及見者順治間叠現二次

王母仙燈初見或一隊或數隊或漸出至二三十隊徐或  
一盞或二三盞或三五隊飄渺雲霞間斷續不絕自一  
更餘亦可至二更城上望之約二三十里許登山視之  
亦約數十里終不能即仙燈較倒影為少崇正年間一

見

濟瀆晨霞在其境者不知帶在山頂視之當日初出時即有雲氣其上或一片起或數片起或遠近片片齊起或如簪如縷如扇如纓絡傘蓋如龍如鳳如樹影如宮闕近瀆數里處處有之五色皆備起伏靡常疎密互間遙相遮映或高丈許或數尺或一二丈無過高者過則為雲不散主雨約至初飯時日漸麗雲氣徐收入池則金碧輝煌光華爛然每早視之以為常真奇觀也

靈山曉照衆山皆紫紅樹秋原晴為更倍

龍潭夜月清徹絕倫能令潭作千頃波潭水三年一去三

年一來亦奇

石橋春望邑人迎春多在東郊二橋秀麗非常白雲望橋  
更勝佳在橋不在春

沁口秋風頗巨人或苦之雪消山瘦苔翠舟移水壺月底  
桃花夾岸勝處正不必秋

盤谷晴烟自佳今人呼其下村落曰烟川

御愛松真億萬年物質在金玉間色尤蒼以手摸之似有  
汗出

燕蘿子登仙石似非人鑿

伏虎坪有孫真人跡亦非斧鑿痕

垂簷峰如簪粧合山如合子壇頂如鳳頭陽臺宮前諸嶺  
如鳳尾登頂望之肩項翅腹皆肖中有鳳心石

王屋自南望之如屋自西望之如王者車蓋

有熊氏因榆罔作亂禱上帝遣金母命元女授陰符於此  
帝遂得策大破蚩尤今壇頂有寶籙堂

孔山兩邊皆見日月水經注紀孔中有車散馬跡殆天成  
非人力所為山之西嶺有石棋盤石棋子數枚亦非人  
力所鑿土人呼其山曰棋盤山

攔柯嶺亦有棋盤形跡宛然都是生成

嘗宿天壇夜見海日大奇語人人不之信及見唐詩有此



題乃知古人不我欺

天壇山一名陽洛劉禹錫詩陽洛天壇上依稀似玉京  
避秦溝為四皓避秦之所杜村西南有商山乃四皓隱處  
或曰在秦商洛山則此亦因其所遊止得名矣

奉仙宮有荆木柿木梁桑木棗木柱皆合兩三圍高二丈  
許形直上亦非怕物

前朝歲時遣使賫金龍玉簡紐璧青絲詣濟瀆投進亦於  
天壇投金龍玉簡碑文雖未錄然亦盛事每歲三月間  
遠近進香者多密帶金銀仙佛銀娃金盒之類乘人不  
見拋於池中謂之拋長生

靈異記載有平章賽與赤男南京宣慰同知忽辛借庫錢  
及李繼安傳書事近恠未錄

又載前朝遣使貴戚大臣等享祀誠潔則有異物自水上  
浮出如金銀纓絡傘蓋金仙銀仙金船寶盒名香佳藥  
柑橘石榴奇品異果葡萄仙釀如此之類其記頗多未  
敢全信遊者或騁目焉

以上見舊志

軹道國策秦下軹道則南陽動此本邑軹道也至秦子嬰  
迎降處則在長安霸陵有軹道亭史記沛公破秦軍入  
武關遂至霸上子嬰奉璽符降軹道旁沛公遂入咸陽

龍泉觀前志注在趙村今城北厲壇北有泉泓然居人于泉旁土中掘得元碑額篆龍泉觀則此地其遺趾也

懸泉在枋口之北左金櫃右玉峯前箭括後風門中其地也唐時覺林禪院金大定二年御額曰香岩禪寺

天寶末竇庭芝分司洛邑常敬事道者葫蘆生每言吉凶

無不中者一日侵晨至竇門甚嗟嘆請問良久乃言君

家大禍將成舉家涕泣請問求生之路生曰若非遇黃

中君但見鬼谷子亦可無患矣生乃具述形貌服飾仍

戒以狹旬求之于是與昆弟群從求訪遍于洛下時李

泌見居于河清因省親友策蹇入洛至中橋遇京兆避

之所乘驟忽驚軼而走逕入尹之所居與僕者共造其門車馬羅列忽見泌皆驚愕而退俄有人云分司寶員外宅所失驟收在馬廐請客入座泌不得已就其廳庭芝降階再拜延接殷勤遂至信宿至于妻子咸備家人禮數日告去贈遺殊厚但云遭遇之辰願以一家奉托時泌居河清信使旁午于道庭芝初與泌相值葫蘆生適在其家云既遇斯人無復憂矣及朱泚構逆庭芝方廉察陝西車駕出幸奉天遂于賊廷歸欵鑿輿反正德宗首令誅之時泌自南嶽徵還行在便為宰相因第臣寮狀請宥庭芝具以前事聞由是特原其罪泌始奏上

密遣中使乘傳于陝門之寶錄奏其事德宗曰言黃中君蓋指朕也未知呼卿為鬼谷子何也泌曰先瑩在河清谷前鬼谷恐以此言之也

見野史

裴儔休之兄舉進士仕至江西觀察使裴侁休之弟舉進士官至諫議大夫唐語林云裴相兄弟三人俱有盛名世謂侁不如儔儔不如休

裴儔二子延翰延魯翰仕藍田尉集賢校理魯仕至浙東觀察使侁子澈僖宗朝官至宰相後以從衛王熅誅

荆浩河內沁水人博雅好古善畫山水撰山水訣一卷隱于太行之洪谷自稱洪谷子語人曰吳道子畫山水有

筆而無墨項容有墨而無筆吾當探二子之所長成一  
家之體有四時山川三峯桃源天臺等圖傳於世

沁水縣在

枋口南

宋傅獻簡與杜祁公取未見石刻文字二本皆踰千言各  
記一本祁公再讀獻簡一讀覆誦之不差一字

郭泰未詳何時相傳郭莊里人善作磚長數尺印各花樣  
中孔滑稽製法不傳

李章仕至少卿王公孺題竇家溪詩有李郭名園句疑即  
李章園也司馬溫公有寄題李少卿園亭詩惜竇與郭  
無可考

論曰太史公撰五帝本紀言書缺有間其軼乃時時見於他說及斂管晏傳讀管子山高乘馬之篇及晏子春秋詳哉其言之也然謂其書世多有之是以不論論其軼事夫管鮑之分財及晏子脫越石囚薦御者為大夫其事至微渺而史公顧列諸傳不遺可見作史之體于凡稗野記載固在所不廢也濟源書籍不備間有一二野史若李鄴侯葫蘆生事甚怪然不得此亦不知其先墓在河清聊並諸軼事附與邑乘之後

深井里史正議曰在懷州濟源南三十里

勳掌城史稱北齊斛律光築以捍西魏人多不解緣此處

地僻山高西接玉陽秦嶺王屋諸峰皆翠插雲表東西  
隔絕故疑城為虛設不知由軹關西北歷天壇東有鳥  
道逶迤蒸莽間可達金爐山前明季河內王公天壇剿  
賊聞有墜崖下積雪中得以走免者皆由此遁去明月  
此舉正得武侯成陰平之意

五代晉高祖父臬揆鷄嘗為洛州刺史濟其屬邑因家焉  
舊志以今之石村為石晉別墅當不虛又韓村古名特  
進莊亦以高祖所居得名

今石村有  
晉高祖廟

天壇頂正陽門為中州氣口濟源之正脉也康熙五十年  
間住持僧人嘗將正門壘塞邑侯余公出示嚴禁以堪



與家言正門杜閉氣不宜連主天道亢旱人病隔壺靈  
光反照有益于山後而有害于山前也其後僧人又于  
正陽門內大築石臺以閉塞三門時邑人病噎死者不  
啻千人雖生死有命然厭鎮之術捷于影響合邑縉紳  
士民罔不憤恨連名具呈號訴迫切陳公軫念民瘼即  
委捕衙勘驗折毀黃剝不憚勞苦率眾登臨毀其臺基  
使住持具結在案不得擅為修築此乾隆七年事也  
前明萬歷年間有異人夜登龍潭寺塔頂語曰濟邑科  
第寂寥因此筆峰欹倒今特扶之詰朝渺無踪跡祇見  
鐵柱擎天祥烟繚繞果於丙午而後科甲蟬聯迄於

本朝鴻翔鵲起形象之說儒者所不廢而神仙為之先告亦異事也

辨訛

舊志引竹書紀年云鄭使韓辰歸晉陽及向更名高平案左傳隱十一年王與鄭蘇忿生之田十二邑陽向二邑俱在內桓七年盟向背鄭歸王王遷盟向之民於郊至僖二十五年襄王復與晉陽樊溫原攢茅之田蓋即向日以與鄭者歸於王而王復以賜晉也晉文圍原而陽樊不服致煩倉葛之呼從無自鄭來歸之事至云周慎靚王六年來歸尤謬考史記年表及世家韓趙魏以

安王二十六年滅晉明年為烈王元年韓哀侯滅鄭曰  
徙都鄭烈王凡七年中更顯王四十八年至慎靚王之  
六年鄭滅已六十一年晉亾已六十二年矣安得有鄭  
歸晉地之事乎竹書之不可信類如此

舊志有夫子岩云夫子回車經此今有夫子十哲之像  
案史記孔子世家將見趙簡子聞竇鳴犢舜華之死臨  
河而反曰美哉水洋洋乎某之不濟此命也夫從此終  
身不復如晉此係晉地在河北夫子安得至此此不過  
假聖跡以為重耳姑仍其舊而附其辨於此

舊志王喬即周靈王太子晉先為葉縣令後養道於華

蓋山號華蓋君案王喬為葉縣令是東漢時人去周靈  
王時且千歲蓋一為王喬一為王子喬兩不相涉且安  
有天子太子而為葉縣令之事後漢書王喬傳未有或  
云此即古仙人王子喬曰或云者明係聊備異說其不  
足憑信明矣

濟源有軹關舊志云秦子嬰降軹道旁即此案漢書高  
帝紀沛公至霸上子嬰乃使素車白馬係頸以組出降  
應劭曰霸上在長安東三十里蘇林曰軹亭名在長安  
東十三里顏師古注甚明濟源西北去函谷關尚有四  
百里豈有並未入關先降於四百里外乎且沛公入秦

從武關路由南陽不由軹也誤甚今刪去

舊志云商山寺在商山又有避秦溝云在王屋山東南為四皓避秦之所謂四皓皆軹人各有姓名本皇甫謐高士傳案史記司馬貞索隱及漢書顏師古注俱不載四皓為何地人但云商山意當為陝西商雒山若王屋從未有以為商山者及別考商山之名志中又絕不見意載筆者只借以為重而非其實也皇甫之言恐不足信今仍舊志而存其疑以質來者

舊志目花石山為四皓隱處因山上有廟顏曰商山故疑廟以山名不知廟之名原中祀商山聖母而得名以

神起非以地起也

舊志於寓賢云董仲舒與河上公往來論道因畱寓濟  
今董家灘其遺址案漢書本傳仲舒廣川人治春秋下  
帷講誦弟子傳以次相授業或莫見其面蓋三年不窺  
園止言其家居授徒無流寓他方之事且其天人三策  
推明孔氏抑黜百家明言諸不在六藝之科孔子之術  
者皆絕其道勿使並進安得有與河上公往來論道之  
事乎仲舒對策於武帝時而謂文帝訪河上公於茂村  
仲舒在此獻策尤謬

舊志云董仲舒灘在毛田西南漢文帝訪河上公於茂

村仲舒在此獻策察天人三策乃武帝親策士於大廷  
三發問而三對為從來射策決科之始豈有當駕出而  
求獻呈身自鬻董相儒者必不為此此係有關名節不  
可不辨

舊志有鄧通廟云在長平嶺北案通為蜀郡南安人此  
非其鄉里且通何人而可立廟即使真有亦係淫祠當  
毀去豈可復書之於冊以汙簡牘乎亟宜刪去

綺里村東二塚世傳為巨無霸鄧惲墓又云二人戰沒  
蓋此其說甚謬按史霸名止於昆陽一見不詳下落其  
秋莽已被誅惲至建武三年方為傳俊長史並無血戰

之事後舉孝廉為上東城門候尋以芒長免歸著書而  
卒俗據小說傳會悖謬可咲舊志因之宜刪

舊志謂晉省軹縣入沁水縣北齊廢沁水復軹縣案北  
齊廢沁水則誠有之謂晉省軹縣則非也查晉書地理  
志河內郡統九縣軹與沁水並列且郭文傳云河內軹  
人則軹縣之未嘗省可知矣已於沿革內改正

濟廟後大塚舊志云唐廢帝陵按史稱帝崩後晉高祖  
命葬其燼骨於徽陵域中查徽陵在洛陽舊志不知何  
據恐有訛

唐憲宗元和十年李師道遣兵焚柏崖倉綱目質實以



為在懷慶府濟源縣非也按

皇輿表唐高宗時分河南洛陽新安王屋濟源河陽六縣地置大基縣並置柏崖縣尋省柏崖入大基縣武后時改為河清縣金末改河清縣為孟津縣是柏崖特今孟津縣之舊名與濟源縣尚隔一河無涉明矣又孟津縣志柏崖山在縣西五十里大陽堡黃河南岸唐置縣開元初置倉縣因山以得名倉因縣以得名其在孟津縣彰彰明矣綱目開元二十二年裴耀卿以東都至陝三百里陸運難致議于河口置輸場以省僦車之費東置河陰倉西至柏崖倉三門東置集津倉三倉道里適鈞

江淮舟運悉至河陰倉輸米而去更用河舟以次轉運  
蓋並在黃河南岸濱河之口不應中間柏崖一倉獨在  
濟源縣河之北岸是又理之易明者也其謂在濟源縣  
西王世充以懷州僑置此城者理或有之蓋隋末唐初  
濟源縣所轄原兼有河之南岸柏崖縣地至高宗時則  
已取其地拆置柏崖大基二縣由金至今則不屬之濟  
源而專屬之孟津耳註綱目者不考唐之地里運道狃  
以在南岸者畫之河以北舊志因而踵之是不可以不  
辨

水經注云春秋會於泃梁謂是水之墳梁也爾雅曰梁

莫大於湟梁梁水堤也舊志以為橋梁之梁亦誤

濟源縣濟瀆廟有石刻記云大漢通容元年甲辰大旱有懷州河內縣人李繼安為商泛湖至君山廟禱祀忽見一朱衣人持書一封付繼安令寄至濟源縣西北三里許有龍池前有石一塊擊之必有人應其形差異第勿驚畏此書乃玉帝勅濟瀆之神行雨者繼安如其言以書叩其石其事果驗末云大宋開寶六年四月二十日再書此記不著撰者姓氏李濂曰考兩漢蜀漢五代漢並無以通容紀元者乃知後人妄為此記以欺愚瞽而又謬塑繼安像于儀門像前置大石一塊方三四尺

以為即昔所擊之石大可笑也且其事竊倣柳毅傳書  
洞庭君之事但改擊橘樹為擊石耳抑豈知柳毅傳書  
之事亦好奇者為之而非理之所有者乎

歐陽脩云送李愿歸盤谷序韓愈撰盤谷在孟州濟源  
縣正元中縣令刻石于其側令姓崔其名泱今已磨滅  
其後書云昌黎韓愈知名士也當時退之官尚未顯其  
道未為當時所宗師故但云知名士也然當時送李愿  
者不少而獨刻此序蓋其文章已重于時也余聞公為  
此序纔二十四歲其明年上進士第始得試秘書省校  
書郎跋語所云當時退之官尚未顯亦誤筆也